



明世法錄 八十二





漢書門類		
二	二	二
九	〇	八
三	架	函
五	九	架

內閣文庫		
二	二	漢
九	〇	書
五	架	冊
一	九	冊
六	五	架

內閣文庫		
番號	漢	2228
冊數	59(52)
函號	295	56







明世法錄卷之八十三

漢章文庫


史官陳仁錫評纂

苗寇 流寇 山寇

開設貴州

貴州古羅施鬼國自蜀漢夷酋有火濟者從諸葛亮征孟獲有功封羅甸國王歷唐宋皆以歸順不失爵土。

國朝洪武初元宣慰使霽翠與其同知宋欽歸附。高皇帝仍授霽翠宣慰使欽宣慰同知各領所部居水西為貴州宣慰使同隸四川其思州宣慰使為



田仁智。思南宣慰使爲田茂安。暨鎮遠等府隸湖廣。普安鎮寧等州隸雲南。靄翠死。妻奢香代立。宋欽死。妻劉氏代立。劉氏多智術。時馬燁以都督鎮守其地。政尚威嚴。欲盡滅諸羅酋。代以流官。乃以事裸撻奢香。欲激怒諸羅夷爲兵端。諸羅夷果憤怒。欲反。劉氏聞止之。爲走愬京師。入宮見。

上召問令入宮見。

高皇后復令折簡招奢香至詢故。上曰。汝誠苦馬都督。吾爲汝除之。然何以報我。奢香叩頭曰。願世世戢羅夷。令不敢爲亂。

上曰。此汝常職。何云報也。奢香曰。貴州東北有間道。可通四川。梗塞未治。願刊山通道。以給驛使往來。上許之。謂

貴州諸夷
惟安氏享
壽土最久
豈其先世
嘗有大功
德于諸蠻
邪不然何
歷世而不
一更其姓
也

高皇后曰。吾知馬燁忠潔無他腸。然何惜一人。不以安一方也。乃召燁數其罪。斬之。遣奢香等歸。諸羅夷大感服。爲除赤水身撒道。立龍場九驛達蜀。今安氏卽靄翠後也。至永樂初。思州宣慰使田仁智子琛。思南宣慰使田茂安子宗鼎。各嗣立。以爭砂坑故。日尋以兵。

成祖遣行人蔣廷瓚往勘之。琛從廷瓚入見。

上白事。自言思南故思州地當歸之。又數宗鼎罪狀。上曰。思南舊歸僞夏時。汝何不取以自屬。乃今言邪。且罪惡在彼。汝何與焉。亟歸守爾土。靖爾封疆。慎勿構釁。啓兵端。再犯吾礫。汝矣。琛歸與宗鼎仇殺如故。屢禁之不能止。十一年癸巳十一月。

上密遣校士數人。潛入二境。執琛宗鼎去。二酋既就執。城中猶寂無知者。忽一朝。使出揭榜諭諸夷曰。朝廷以二克日構殺。荼苦百姓。故特遣使執問狀。首惡既擒。餘一無所問。敢譁者族。諸夷帖然。琛宗鼎至京師。俱斬之。乃命兵部尚書印全忠曰。思州思

南苦田氏久矣。不可令遺孽復踵爲亂。其易爲府治。改思州宣慰司爲思州府。思南宣慰司爲思南府。易置諸官僚。遂緣此設貴州布政司。立三司等官。治貴州宣慰司。本司及思州思南鎮遠石阡銅仁黎平六府。普安永寧鎮寧安順四州。金筑安撫司。及普定新添平越龍里都勻畢節安莊清平平壩安南赤水永寧興隆十五衛。普市千戶所皆屬焉。改工部侍郎蔣廷瓚爲左布政使。以廷瓚曾勘思州思南事。諳夷情也。

思慮深遠事端未始不
 慮其變也
 同又昔文祖亦平
 武恭平六郡普安永寧
 育欲貴則宜慎固本固
 南長置設官制教訓此
 南宜慎固本固南長置
 南苦田久入笑下可今

猛專橫則有之實未
 反守臣不職激使為
 亂耳應期固當深罪
 鎮亦不察何舉事艸
 艸也豈猛去欲易因
 州為流官猛有子亦
 當思所以處之如守
 仁用為判官之類乃

誅滅岑猛

廣西諸土酋族岑氏為大自叙漢岑彭後云國初
 元安撫總管岑伯顏以田州歸附
 高皇帝嘉其誠設田州府令伯顏為知府子孫世襲
 三傳為岑溥溥二子長獠次即猛弘治六年獠以
 失愛弒溥土目黃驥李蠻發兵殺獠嗣位未定而
 驥與蠻構釁驥以猛奔梧州督府奏以猛襲其父
 官慮蠻方命乃檄思恩知府岑濬以兵衛猛入田
 州濬猛族也亦土官兵力方雄兩江驥賂濬脇猛
 令分地界驥猛不得已從之洎至田州李蠻拒猛

可而遠欲
斬其後何
以服夷民
之心

不納。驥復以猛奔思恩。濬留之不遣。十一年。都御史鄧廷瓚檄濬歸猛。濬不從。以兵徵之。濬始釋猛。督府納之。田州遂與濬仇讐。十五年十月。濬襲攻陷田州。僞以其族子洪守之。猛走免。十八年。都御史潘蕃奏發兵討濬。戮之。并誅洪。改思恩爲流官知府。兼攝田州。降猛。福建平海所千戶。正德初。猛賂劉瑾。得復爲田州府同知。領府事。猛撫輯遺民。兵威復振。稍蠶食傍郡地。頗廣。嘗自言。督府有調。發願立功。冀復故秩。督府使至田州。猛厚賂之。衆譽猛藉甚。會江西盜起。都御史陳金檄猛討賊。猛

兵大肆侵掠。所至民徙村落避之。賊平。金疏猛功。稍遷指揮同知。猛冀復知府秩。授官不愜初意。遂怨望驕蹇。督府使者又不得曩厚賂。各譖猛不法。猛亦恃兵力凌轢。陵府日甚。或言猛反者。都御史盛應期惴猛。冀得猛重賂入。猛遂出不遜語。應期怒。疏猛反狀。請討之。未報。應期去。都御史姚鏌代。不察其故。再疏請征猛。制曰。可。嘉靖五年四月。鏌遣都指揮沈希儀。張經。李璋。張佑。程鑒等。五將軍帥兵八萬。分道進。而令叅議胡堯元爲監軍督之。猛初令其下毋交兵。裂帛書寃狀。陳軍門乞憐察。

之。鎮不聽。督兵益急。沈希儀擊斬猛長子邦彥。諸軍繼入。猛懼謀出奔。猛婦翁歸順州知州岑璋。以其女失愛于猛。素憾之。欲乘間擒猛自爲功。乃誘猛走歸順。先是軍門令諸土官有能擒猛者。賜千金。爵一級。畀其半地。黨惡者移兵誅之。又恐璋。猛婦翁或黨猛。召希儀問計。希儀知璋以女失愛。故憾猛。對曰。俟旬日當探其情以復。希儀察其部下千戶趙臣者。雅善璋。乃召臣問曰。聞岑璋與猛有隙。吾欲遣說之。藉令破猛。如何。臣曰。璋多智善疑。直語之必不信。當以計說之。希儀曰。計將安出。臣

曰。鎮安與歸順爲世讐。督府往使人歸順。則鎮安疑。使人鎮安。則歸順疑。公今誠遣臣徵兵鎮安。臣迂道過璋。璋必詢故。臣爲好故。以死漏泄其事。璋要領可得也。希儀曰。善。乃遣臣往檄鎮安兵。臣過璋所。璋果喜。迂臣曰。久不見故人。今肯念我來邪。臣默然。佯爲不豫者。璋曰。趙君有嗔乎。臣曰。感故人厚意。久契濶。故迂道來見。何嗔也。稍語須臾。復嘆息起。璋心疑之。明日。璋置酒款臣。臣愈不豫。若有沈思者。璋益疑問。故曰。軍門有意督過我邪。臣曰。無之。璋曰。隣壤有所控訴。將逮勘邪。臣曰。無之。

璋挽臣卧内。跪叩之。臣潜然泣下。璋亦泣曰。璋死即死耳。君何秘不告我。臣乃曰。託君肺腑。有急不敢不告。然今日非君死。即我死矣。璋驚曰。何故。臣曰。督府討田州。謂君猛婦翁必黨猛。令我檄鎮安兵襲君。我不言君死。我言君必驟發。為自脫計。即我泄漏機事矣。必我死。奈何。璋頓首謝曰。君實生我。君不言我赤族不悟也。猛娶吾女。奴視之。吾何暱焉。吾欲殺猛久矣。無間也。臣曰。君如有是心。盍自列于督府。匪直免禍。功有藉也。璋遂強臣稱疾留傳舍。亟遣人馳詣希儀所告變。陳猛反狀。恐連

及。願擒猛自効。希儀許之。遂陽使使追臣返。以其事白。鎮鎮喜乃不備。璋。猛子邦彥守工堯隘。璋以姻故。遣兵千人助之。實為間。邦彥欣然納之。璋則遣報希儀曰。已遣千人為內應矣。衣別有識。幸勿加戮。希儀許之。及戰。歸順兵先呼。敗惑眾。田州兵驚潰。故希儀擊斬邦彥。及猛欲奔璋。使人招之曰。事急矣。願主君走歸順。三四夕可達安南。再圖興復耳。猛倉卒無所之。又以姻故。遂佩印走歸順。璋佯涕泣迎之。處猛別館。盛供帳。列侍美女。地邃僻。左右無一田州人。璋日詭猛曰。天兵退矣。又曰。天

兵聞君走交南。不敢輒加兵。交南境遣使詣督府請進止也。猛喜不疑。胡堯元與諸將見希儀已破隘。欲攘其功。頗聞猛走匿璋所。遂以兵萬人擣歸順。璋亟遣人持牛酒犒師境上。而自來見。諸將頓首謝曰。猛敗昨越歸順。欲走交南。璋邀擊之。猛目被流矢南走。不知所之。急之恐入交南。連逆賊爲變。幸緩五日。當搜致。堯元等許之。璋歸復詭猛曰。天兵已退。非陳奏事不自爲君草封事。令人上之。如何。猛曰。固所願也。乃爲疏。令猛出印印之。璋得知猛寘印所。乃置酒賀猛。樂作。持鵠酒一盃獻曰。

天兵追君急。不能庇。請自爲計。猛大怒罵曰。悔墮此老詭計也。遂飲鴆死。璋斬其首。并所佩印。遣使間道馳詣軍門上之。諸將聞之。引還。猛三子。長邦彥。敗死。次邦佐。出後其族。爲武靖州知州。次邦相。兵敗出。邦彥側室子芝芳。襁褓匿民間。鎮見岑氏。勅計田州可滅。疏請置流官。

上從之。夷俗憚流官法制多不便。亾何。田州土酋盧蘇。求得邦相。遂糾思恩土目王受。挾邦相反。兩江皆震。御史石金至。聞前御史與鎮有隙。意不直鎮。又藩臬諸司。素不爲鎮所喜者。多沮鎮事。倡言猛

皇明世宗 卷八十三
實未死。鎔爲歸順所欺。有自右江來者則言猛已
糾安南莫登庸入寇。陷思恩矣。省城旦暮且不保。
靖江諸宗室洶洶。以流言欲出奔。石金信之。遂劾
姚鏌攘夷無策。輕信罔上。圖田州不可得。并思恩
而失之。

上大怒。落鏌職。命新建伯王守仁。以兵部尚書總制
兩廣。江湖四省討賊。時守仁未至。鏌候代。知思恩
未陷。欲徵兵平蘇受。自贖。乃檄廣西諸司議事。有
欲陰沮之者。給郵吏發檄東西。交誤竄之。兩廣皆
以檄誤不至。鏌遂不克集兵。而守仁代至。鏌竟去。

諸夷聞守仁至。皆憚之。守仁顧益自晦。事鎮靜。見
蘇受兵勢已熾。度岑氏不可遂滅。以六年七月至
南寧。使人招蘇受降。約日投見。會有造浮言。誑蘇
受。欲取其賄者。蘇受疑懼反覆。守仁遣使慰諭之。
且與之誓。蘇受言來見。必陳兵衛。又欲易軍門左
右。祇候皆盡。以田州人。守仁不得已。皆從之。蘇受
果陳兵來見。守仁數其罪。許以不死論。杖一百。以
全軍法。蘇受不釋甲受杖。且田州人杖之。守仁諭
蘇受使歸。候命。乃上疏言。思田久苦兵革。民間已
不勝。况田州外捍交趾。縱使克之。置流官。兵弱財

匱恐生他變。岑氏世有功。治田州非岑氏不可。請降田州府爲州治。官岑猛子邦相爲判官。以盧蘇等爲土巡。簡別立田寧府設流官知府統之。薦布政使林富爲巡撫。都指揮張佑爲總兵官。上皆從之。乃令邦相歸治田州。盧蘇等各蒞任。許休之三月。徵其兵用。田州以平。旣三月。守仁遂移兵并檄盧蘇王受等。攻斷藤八寨諸賊。蘇受等感守仁恩。頗效勞勩。賊平。守仁上言。盛稱蘇受等功。大獲賞賚。時兵部侍郎張惣及桂萼等言。守仁處田州事非是。上頗疑之。會守仁卒。林富代爲提督。奏

言。思恩改設流官。二十年兵不得罷。田州決非流官所能控禦。竟主守仁前議。降田州爲州治。以邦相爲判官。富又奏。不必更設田寧府治。惟命張佑克副總兵鎮守其地。許以三年得代。時邦相年十五六。張佑兒子畜之。盧蘇自矜興復功。大專橫。邦相不能制。遂有隙。會張佑將代去。望邦相厚賂已。邦相賄之。不滿意。佑遂與盧蘇比。欲沮奪邦相。乃購得邦彥子芝。育之別所。邦相時時欲殺芝。佑不果代。留鎮庇芝。得免。復佑中邦相毒卒。芝奔梧州。督府都御史陶諧畜之。十三年六月。盧蘇遣其黨

刺邦相不克。邦相與土目羅玉等伐盧蘇。事覺。蘇伏甲擒斬羅玉。九月。盧蘇劫諸土目攻邦相。執而殺之。燔其屍。賂陶諧言邦相病死無後。乃立芝。遣歸田州。于是猛仲子邦佐爭立。而隣府諸土官皆不平。盧蘇弑主也。合兵助邦佐攻田州入之。蘇走免。亂復大作。兩江震駭。諧遣人諭諸土官曰。邦相實病死。盧蘇何與。而爾等日相賊害也。亾何諧以憂去。都御史潘旦蔡經相繼代。皆曰。思田苦兵革久矣。

朝廷今復以盧蘇故。興問罪之師。征伐當何時已乎。

朝議下核實。副使蕭俛叅議陳大珊當勘。議曰。盧蘇稱亂。弑主罪安可盡赦也。縱宥之不誅。當直敘以聞。令主功贖罪耳。督府不聽。上言邦相不孝。奪其母田。又虐殺其部下。盧蘇因眾怨殺之。

朝廷遂置蘇不問。仍官芝等如故。于是兩江土官聞之。皆曰。殺人不抵死。弑主不加刑。我輩身命皆懸僕隸之手矣。遂莫不解體云。

貴州地既塞險阻。林箐蒙密。易藪匿為寇。諸苗生
長山谷。性驚悍嗜殺。又守臣或時科擾。猾民多並
緣為奸利。故諸苗輒相煽為亂。正德十一年二月。
清平衛車枕等寨苗反。其酋阿傍阿皆阿革皆偽
稱王。據香爐山為巢穴。糾合苗眾。焚劫居民。蔓及
興隆偏頭平越新添龍貴諸鎮。道阻不通。巡撫都
御史曹祥。同鎮巡諸臣檄諸路兵。以都指揮周吉
部領叅議蔡潮監視。且勦且撫。會祥遷秩去。都御
史鄒文盛代諸苗負固不聽撫。事聞

勦清平苗

勞等助
夷酋其
比惡肆亂
王勤三省
之兵歷二
年之久始
後平定者
蓋夷本桀
驁地復險
遠守臣貪
縱既有以
激之于先
將帥仇愾
又不能遏
之于後故
釀亂至此
倘賴諸臣
能撲滅之

貴州地既塞險阻。林箐蒙密。易藪匿為寇。諸苗生
長山谷。性驚悍嗜殺。又守臣或時科擾。猾民多並
緣為奸利。故諸苗輒相煽為亂。正德十一年二月。
清平衛車枕等寨苗反。其酋阿傍阿皆阿革皆偽
稱王。據香爐山為巢穴。糾合苗眾。焚劫居民。蔓及
興隆偏頭平越新添龍貴諸鎮。道阻不通。巡撫都
御史曹祥。同鎮巡諸臣檄諸路兵。以都指揮周吉
部領叅議蔡潮監視。且勦且撫。會祥遷秩去。都御
史鄒文盛代諸苗負固不聽撫。事聞

不然幾爲
嶺南侯大
狗之亂矣

皇明世宗 卷八十三
上下璽書。命文盛勦之。別勅湖廣巡撫都御史秦金
總兵官楊英以兵會文盛檄湖廣四川兵未至。先
集貴州兵。以叅政胡濂。叅議蔡潮都指揮潘勲。指
揮余大綸各監統。于正德十二年八月初三日進
勦。初八日諸將進擣砲木寨。伏兵計擒賊首阿革。
二十六日進擣羅襪寨。又擒賊從阿義阿黎。九月
十一日指揮滿弼王言金章等率遊兵巡徼。遇賊
衆三百餘人。自香爐山突出。至大岐坡。弼等四面
邀擊。殺賊五十餘人。賊退奔據白崖。亾何副總兵
李瑾帥湖廣兵至。貴州程番安順諸路及四川播

州酉陽兵俱先後至。又募土兵亦集。文盛等乃相
賊巢險。易分兵五哨。命叅將洛忠都指揮劉麟陶
霖。王璽。祝鎮。葉曇。楊淮。許詔各統領。副使李麟。叅
議蔡潮。僉事許效廉。詹源各監軍。叅政胡濂。督餉。
布政使趙文奎。轉運指揮余大綸。率遊兵策應。總
兵官李昂。副總兵李瑾。駐師要害地。應援。文盛與
太監李鎮。居中節制。調遣御史周文光。紀驗功次。
諸將分道刻期。以某日進。抵香爐山。夾攻之。山四
壁立。陡絕高險。惟隘路五處。透迤上。賊皆築砦柵。
守禦。官兵稍近。則木石毒弩俱下。官兵用火銃焚

皇明世宗 卷八十三
其寨柵。賊隨以水沃滅之。諸將仰攻數日不能克。乃以意製鐵猫爬山虎繩梯等具。督令宣慰彭九霄彭明輔等揀精兵。于十月初三日。昧爽。附山下緣崖猿攀相引上。拔其外柵。縱火焚賊廬舍三十餘間。擊斬百餘人。賊死戰禦之。兵不得深入。遂斂衆退。復採木製揚橋戰樓。高與賊寨埒。約接近可攀登者。至十四日夜分。雷雨大作。諸軍覘賊不備。舁前攻具附崖。土兵先登。官軍繼之。斬關拔柵入。縱火焚賊廬舍。烟焰蔽天。四面夾攻。至天明賊不能支。乃退奔入後山。復據險爲寨。後山峻隘尤甚。

諸將督兵進駐重險間。二十二日。乃伏兵崖下。令都指揮王言同嚮導陳良等登山半誘之。賊衆持鏢弩下山迎敵。號舉伏兵四起。接戰數合。賊復奔據山絕頂。拒守益堅。諸將用嚮導土人探知賊山後。頗有林木藤蘿。可懸拽梯。絙數處。乃先遣人入寨與約。至二十八日。令百戶邵剛吳隆于山前。招賊酋與語撫之。使命往復。故延久。賊果聚衆前山觀聽。山後備稍弛。諸將乃督兵以攻具附所探諸處齊登。賊衆覺。倉卒拒戰。官兵已奪險。遂奮擊。賊不能禦。乃大潰。官兵乘勝入擣厓峒。擒賊首阿傍。

皇明世宗 卷八十三
等。斬首及俘獲甚衆。二十二日。分兵搜捕山箐。擒
斬畧盡。諸將遣使言。文盛黑苗久負固稱亂。據龍
頭都黎等山寨。與阿傍等聲勢相倚。居民被其荼
害。官府屢欲勦之。以阿傍等未靖。兵力不及。故亂
日益滋。今兵衆大集。請乘勝進勦黑苗諸叛亂巢
寨。其脇從觀望諸苗。亦宜乘此兵威撫定之。可無
難者。文盛然其計。令諸將以十一月十六日。帥兵
進勦黑苗擣龍頭寨。賊恃江水深險。沿厓禦之。官
兵伐木爲筏。渡江直衝賊巢。縱火焚賊廬舍。儲積
賊敗走。諸軍乘勝追殺。十二月初七日。進擣都黎

連日擣都蘭都蓬密西大支馬羅等寨。擒苗酋阿
茲等。俘斬若干。遣使招撫諸苗寨。諸苗寨悉聽撫
黑苗遂平。前後共擒獲首惡阿傍阿革及阿茲等
二十餘人。從賊阿玆等八十餘人。斬首一千五百
一十九級。俘獲老弱婦女二百二十餘人。焚賊廬
舍一萬四千餘間。獲牲口夷器等物甚衆。撫過苗
衆三百七十五寨。官兵陣亡七十三人。傷者二百
八十人。乃班師捷聞。

上降璽書獎諭。文盛等諸將校各賞賚有差。

平固原寇
固原土達滿四降虜把丹孫也
高皇帝平陝西殘元部落把丹率眾歸附
高皇帝授平涼衛千戶其屬散處開城等縣為民號
土達簡其壯者克平涼衛卒使自耕食仍胡俗射
獵寡徭役家多殷富畜羊馬以千百計然與北虜
同族類虜入寇多相誘為姦利間有因事欲北徙
者滿四以貲力雄諸族成化丁亥有通渭縣民避
徭役逋匿滿四所縣官上其事撫臣陳介又致仕
都督張泰畜牧多被虜掠或謂泰掠牲畜非虜蓋

平固原寇

固原土達滿四降虜把丹孫也

高皇帝平陝西殘元部落把丹率眾歸附

高皇帝授平涼衛千戶其屬散處開城等縣為民號

土達簡其壯者克平涼衛卒使自耕食仍胡俗射

獵寡徭役家多殷富畜羊馬以千百計然與北虜

同族類虜入寇多相誘為姦利間有因事欲北徙

者滿四以貲力雄諸族成化丁亥有通渭縣民避

徭役逋匿滿四所縣官上其事撫臣陳介又致仕

都督張泰畜牧多被虜掠或謂泰掠牲畜非虜蓋

滿寇之亂起于邊將之不恤下云雖然非我族類其心必異狼子野心之眾乃使之聚處邊境密邇塞下王鮪北泳越鳥南翔能保其百年無異圖哉

三朝世法錄 卷八十三
土達張把腰爲之。泰亦列張把腰事于介。介下其事僉事蘇爨逮問。會叅將劉清初至。指揮馮傑因歛諸土達賄利爲餽。滿四等謀于其黨李俊。俊素奸黠。欲從虜者。遂以言激滿四等爲亂。滿四姪滿壽初襲把丹職。後以功稍遷平涼衛指揮。有司以介爨檄移文平涼衛。捕滿四張把腰甚急。衛主者日迫壽索之。壽素慙。不知滿四等與俊異謀也。率家衆廿餘人。往捕滿四等。滿四等知之。預約結其黨。俟壽至堡。佯許歸罪。有司給遣其衆散。各家具食盡殺之。遂劫壽號集諸土達。以戊子夏叛入石

城。石城在衆山中。去平涼若干里。東西皆石山峭壁數十仞。無徑。非引繩不可登。西山頂稍平。可容數千人。前有小山。高亦數仞。山鐔皆墻。墻高可二三丈。各留小門。僅容單騎。城中無水。有數石池。繇棧道入。蓋昔人造之。避亂者。不知所自。始云。城外亂山巉巖。人至者恐不敢入。滿四等往獵射。故熟知其險可據。至是率衆叛入居之。李俊者又招誘諸土達。方苦馮傑歛賄多應之。衆至千餘人。叅將劉清聞之。自靖虜來與戰不利。報至陝西。陳介與太監黃泌總兵任壽議。遣都指揮邢端申澄率諸

衛兵往捕之。戰于城下。兵敗。申澄死之。邢端遁歸。兵大潰。遠近震駭。賊勢大振。民失職者多往從之。事聞兵部。請勅陳介任壽。會寧夏總兵官吳琮。延綏都御史王銳。叅將胡愷。督諸鎮兵討之。寧夏兵先至。陳介任壽。吳琮不候。延綏兵自固原急趨蔡祥堡。夜二鼓至。比曉。即出兵架梁行去。石城十里許。賊率眾出迎。請降。有卒馮信者。頗知兵。言于介等曰。賊雖誠偽叵測。然我軍夜至。未休。暇即行。且乏水飲。不可戰。姑聽彼請。緩師。徐議攻討。吳琮叱之曰。賊計款我。兵至此。豈可退。遂麾兵進。賊遁去。

至城。賊驅牛羊前。而精兵後繼。時尚乏器械。執木挺鬪。官兵大敗。任壽。吳琮退保東山。陳介欲自殺。左右救免。遺軍資器仗甚眾。兵有被圍在山者。盡殲焉。賊乃益猖獗。凡土達族悉驅入城。時截靜寧州道。掠奪糧運。或傳其欲窺陝西。八月。

朝廷逮陳介。任壽。吳琮。劉清。馮傑等械至京。遣都御史項忠總督軍務。涼州副總兵劉玉克。總兵官夏正。劉清為左右叅將。太監劉祥為監軍。率京營兵五千。發甘涼。延綏。寧夏。陝西官軍五萬人往討之。復擢大理卿馬文升為都御史。巡撫陝西。協勦賊。



十一月朔，項忠、馬文升等先後至固原。是夜二鼓，聞營外礮聲近，營中皆驚，覘之無寇。明旦于營外得賊所遺書，求宥罪容居石城，免其徭役。衆知爲緩兵計，置之。忠等議進兵方畧，衆懲前失利多，謂石城之險不可攻。忠等乃令善畫者圖其山谷形，分六路進兵。項忠、劉玉、劉祥、馬文升、御史任佐、姜孟倫、布政使余子俊、叅政龐勝屯中路，延綏鎮守太監秦綱、都御史王銳、叅將胡愷、副使鄭安、屯酸棗溝、伏羗、伯毛忠、都督白玉、御史鄧本端、屯木頭溝。叅將夏正、叅議嚴憲、屯打刺赤。寧夏副總兵林

勝、叅議崔忠、屯紅城子。陝西都指揮張英、鞏昌府同知羅豫、屯羊房堡。期三日，諸路少出兵嘗賊。且探地勢，後乃大舉。比至城外，賊來迎敵，延綏兵恃勇進，首失利，陣亡二十餘人。賊死傷亦多，衆益懼。十三日，復會兵往賊迎敵，佯敗去。歛衆入城，毛忠麾其兵進，諸路兵攻城，賊極力拒之。毛忠攻東山路險隘，忠戰死，賊中鎗砲死者亦衆，斬首數百級。馬文升領兵五百，欲持草束往燒柵，見官兵却不果進。劉玉被圍城下，衆潰，玉中流矢，家丁陣亡者數人。項忠斬退縮千戶一人，以徇。衆懼不敢退。玉

得免。項忠以兵敗憂失色。馬文升曰。勝敗兵家常事。况賊死亦多。勢已不振。此時黃河未凍。賊不能北徙。無深憂。可徐圖之。乃以捷報。言毛忠登山偶爲流矢所斃。仍語所遣使。令言賊當就平以安中外。時

朝廷聞毛忠敗死。又是月。彗出西方。衆多言西師不利。兵部尚書程信。撫寧侯朱永。定襄伯郭登等議。恐賊比連虜。奏遣朱永率京兵四萬往益師。永卽張大其事。請定賞格。乃行事。下閣議。大學士彭時知賊可平。擬旨。令永飭戎裝待報啓行。會忠報至。


上詔兵部與時等計。時曰。賊四出掠。信可慮。今入保山。我師圍之甚固。賊已困。行當就擒矣。京兵何庸再出。大學士商輅亦言。觀忠等布置。似無足憂也。程信等猶執謂不出師。恐遂失關中。衆多尤時輕敵。

詔問忠等當益兵否。忠請命永率宣大精兵五千。沿邊西得賊平報。止不來。未平則西。戮力攻之。忠等曰。督兵攻圍。賊堅壁不出戰。文升與忠謀曰。賊城中無水。芻粟亦漸乏。若絕其芻汲。則釜魚當自斃矣。忠然之。令官軍掩捕芻汲者。多被擒。乃知城中

正艱于水。忠等日引兵至城下。拉戰。至暮引回。而令指揮孫璽領兵數百。駐東山上。覘賊出入。大兵將回。璽先撤兵退。兵回。每被賊襲其後。文升謂忠曰。孫璽兵撤太早也。明日令璽俟大兵還。行遠乃撤。賊自是不敢出襲。會續調甘州衛都指揮劉晟兵三千人至。十八日。復會兵攻城。兵已登山。山高險。卒不能克。又日短不盡攻。兵在山上者數千人。未能退。方懼。賊乃恐我攻山。亦自危。詐請降。忠等遂許之。以退山上兵。賊要忠文升等詣城下與語。項忠劉玉皆單騎往。賊數百人擐甲冑。馳遶門外。

示武。又要馬文升。文升帥數十騎往。叱賊使歛衆入。滿四等訴被劉叅將馮指揮激變故。乞宥死。請降。忠等言劉叅將馮指揮等。

朝廷已械赴京下獄矣。爾速降。朝廷必宥爾死。又問滿壽曰。爾被刦入城。非反者。壽乞命。忠等遂納其降。撫壽歸營。明日。賊復設木柵。請戰。不言降。一日夜五鼓。城內有李旗者。象營外報曰。今夜城中賊自相仇殺。可乘機。劉之忠等議曰。此固不可深信。然以理度之。不虛。遂令諸營會山下。果聞亂。少選。山上亂。矢下射。諸營兵仰受敵。



皇明世宗 卷八十三 三
矢至面無敢避者。間用大將軍礮擊。城中賊死傷甚衆。但不獲首級。時天寒甚。士卒嗟怨。忠等謀曰。師老矣。恐生他變。卽黃河凍。虜入套。我師豈能久駐。倘賊乘間突出。與虜合。患不可言者。須急攻城。破之。衆不敢決。文升議欲縛木爲廂車。渡濠攻城。衆恐多傷人。不果。然賊見此攻具。益懼。漸有出降者。忠等皆給票縱之歸。賊聞出降者益衆。有楊虎力者。最驍悍。滿四所倚任。至是亦降。至營。心甚恐。忠等諭慰之。劉玉刮刀與誓曰。爾能生擒滿四。或殺之來獻。

朝廷有賞格。賞銀五百兩。金百兩。官指揮。遂示之銀。虎力許誘滿四出戰擒之。乃與約戰地于東山口。且令計移其精兵上山爲信。厚撫慰遣之。明日。忠等整兵至山下。東山口。係延綏兵信地。忠等不欲泄。乃謂延綏將領曰。爾暫休。今日予代爾守。乃令人登高覘之。見一人乘白馬出城。卽滿四也。旣而果有精兵駐山上。忠等始信虎力約。旣有人報曰。賊今日射矢多向上。文升等曰。賊多詐。不可信。乃伏兵東山口。而約王銳等部兵悉前。戰良久。殺傷相當。我軍伏發奮勇鏖戰。賊大敗。兵士擒滿四至。

軍前。文升欲乘勝擣城內。忠等恐猝難拔。遂以滿四歸營。乃奏捷止兵。且馳報諸郡邑以安人心。明日。賊驍將馬驥南斗率眾出戰。官兵輒擒之。賊益窮蹙。又二日。城中復立舊遼官火敬為主。忠等乃遣偵。夜探城下。賊北行即捕。南行勿追。蓋欲散其黨云。劉玉欲撤兵退。令賊自解散。忠曰。賊叛逆。殺我一伯三都指揮。官兵死者數千人。今縱之全逸去。它日必為陝西患。乃屯兵日覘之。賊度不能支。一夜潰走散去。忠等乃發諸營兵分捕之。擒斬數千級。惟滿四姪滿能最驍捷。逸去。詢知入青山洞。

乃用火熏之出。亦就擒。并獲其家屬百餘口。諸營搜山。又獲賊五百餘人。幼男婦女悉分給軍士。惟宥楊虎力家。遂令萬人盡夷石城之險。毀其墻。收諸軍士骸骨。起大塚瘞之。立石紀平賊歲月于山。惟餘賊百餘人。走據彗箒山。會有報虜入河套。乃留精兵三千人。伺勦餘賊。忠等回固原。時生擒千人。惟滿四馬驥南斗火敬并各罪大者二百人。械送京師。餘八百人。皆即營中斬之。明年正月。彗箒山賊首毛哈喇亦被誅。傳首至。餘賊解散。下令各歸農業不問。于石城迤北古西安州增設一千戶。



所改固原千戶所為固原衛設官防守之忠等遂
班師論功增太監劉祥祿米歲二十石劉玉陞左
都督項忠陞右都御史馬文升王銳皆陞左副都
御史餘各陞賞有差

固原千戶所改固原衛設官防守之忠等遂
班師論功增太監劉祥祿米歲二十石劉玉陞左
都督項忠陞右都御史馬文升王銳皆陞左副都
御史餘各陞賞有差

麓川之役

國初麓川酋思侬發內附授麓川宣慰其後不知以
何失官改孟養宣慰司以刁某代之正統初宣慰
使刁賓玉弱不能輯諸夷思侬後裔部酋思任遂
擁眾麓川叛畧取孟養地刁賓玉奔永昌死無嗣
思任益橫屠騰衝據潞江仍自稱曰法法夷王號
也中國訛稱為思任發云正統四年春事聞
上遣刑部主事楊寧往諭之不服乃命鎮守雲南黔
國公沐晟左都督方政右都督沐昂率師往征之
次潞江思任遣其將緬檢斷江守師不得渡初思

任未叛時。刁賓玉嘗遣詣晟。晟兒子畜之。至是晟遣使諭之降。思任佯許諾。故晟無渡江意。緬檢數挑戰。政怒欲渡江攻之。晟不許。政不勝憤。夜獨率其麾下渡擊緬。檢走之。破賊柵。斬首三千餘級。乘勝深入。逼思任上江。上江賊重地。少選伏兵四起。政求救。晟怒其違節制。渡江不遣。久之以少兵往。政知晟不力援已。乃遣其子瑛還曰。汝急歸。吾死分也。遂策馬突陣死。一軍皆沒。晟聞敗。適春暮慮瘴發。遂焚江上積聚。倉卒奔還永昌。雲南藩臬以事聞。

上遣使者責狀。晟知不免。遣人語使者曰。吾主將失律喪師。罪當死。遂飲藥。至楚雄發病卒。時廷議多謂麓川遠夷。往發兵爲費不貲。宜置勿問。然王振方倖用事。欲示威四夷。力請大發兵討之。

上乃遣兵部尚書王驥提督戎務。太監曹吉祥監軍。定西伯蔣貴克總兵官。率京營湖廣廣西川貴兵共一十二萬往征之。驥薦廷臣侯璉楊寧蔣琳等爲參謀。陞辭。

上賜驥貴等金兜鍪細鎧弓矢蟒衣以行。時侍讀劉球上疏言麓川荒遠小夷。卽叛服不足爲中國輕

重。而北虜脫歡也。先輩侵擾邊境。請罷麓川兵。專備西北。不報。蓋振主之也。師至雲南。賊方攻大侯州。急驥遣兵敗之。遂至金齒。分兵三道。徑抵上江。夾攻三日不下。會大風。驥命縱火焚柵。因督兵乘之。斬首數萬級。賊敗走保險。驥等益麾兵入。破連環七砦于沙木籠山。又破象陣于馬鞍山之陰。賊死者十餘萬。思任走緬。驥割思任所畧孟養地。督軍往征之。思任復走緬。驥所畧孟養地。界緬甸。購思任。緬甸斬思任首送驥所。驥兵還。奏設隴川宣撫司。以緬甸宣慰于銀起。莽爲宣撫守。

孟養地。論功封王驥爲靖遠伯。進封蔣貴定。西侯餘各陞。賚有差。以死事功。贈方政。威遠伯。謚忠毅。追封沐晟定遠王。謚忠敬。潞江敗繇晟。

朝廷以晟元勲。後有平安南功。又畏法引罪自殞。故待贈謚云。未幾思任子思機復據孟養地爲亂。

朝廷仍命王驥總督軍務。都督官聚爲總兵官。張軌田禮爲副。率土漢兵一十三萬討之。十月師抵金沙江。賊柵西岸以拒驥。造浮梁渡兵。攻破之。乘勝進至孟養賊險。衆據險爲寨。我師皆攻拔之。斬獲無算。貴州都指揮使洛宣九。豁衛指揮使翟亨皆

三
戰死。思機竟失所在。驥等謂或死于亂兵也。王師
踰孟養至孟那。孟養在金沙江西。去麓川千餘里。
諸酋皆震怖曰。自古漢人無渡金沙江者。今王師
至此。真天威也。驥還兵。夷衆復擁思任。少子思祿
爲亂。攻銀起。莽敗之。復據孟養地。驥等慮師老。度
賊終不可滅。乃與思祿約。許以首目。得部勒諸夷
居孟養如故。復與立石金沙江爲界。誓曰。石爛江
枯。爾乃渡。思祿亦懼聽命。乃班師以捷聞。

詔增驥祿一百石。通前食祿一千六百石。賜鐵券。子
孫世襲伯爵。時正統十三年也。思祿雖無官。然豪
僭甚。後成化中。鎮雲南。中官錢能貪其珍異。過假
借之。益縱橫。尋

朝廷給諸夷金牌信符。所司忘孟養久廢官。誤槩給
思祿。遂誑諸夷謂

朝廷已復其官。會叅政毛科征猛密。檄思祿兵。科輕
率寡謀。思祿以羸兵數千。應猛密來禦之。科大敗。
思祿兵爲所殲。思祿大怒。遂違誓渡金沙江。攻猛
密。畧取城寨。不可制。撫臣劾科。科以計免。思祿九
奏乞復宣慰官。

朝廷不許。思祿據孟養自立。

皇明世法錄 卷之三
三
朝廷亦羈縻置不問焉。

平湖貴苗

湖貴之間。有山曰蜡爾。又曰蠟爾。諸苗居之。苗古三苗遺種也。山東北屬鎮溪千戶所。稍南屬算子坪長官司。隸湖廣山西。屬銅仁府。銅仁平頭二長官司。隸貴州。西北隣四川西陽而不屬。地東西可二百里。南北百二十里。苗雖分土隸兩省中。蟠結竄徙。實相藪匿焉。然各土官相轄。有戶籍。稍輸賦。與廣西猺獞不同。其屬鎮溪者。半與瀘溪編民雜處。所墾種多瀘溪田。供徭役。嘉靖初。苗雖時小寇竊。未叛也。有算子坪土官田興爵者。往以罪繫辰

州獄諸苗以其地主也。歛賄賂吏以計脫深匿苗寨主奉之與爵返虐苗多所求索淫苗妻女諸苗怒逐之燬其公署遂叛日相蔓引鎮溪苗亦叛其貴州銅平苗則土官弱不能制而有司又不能撫恤其屬蓋銅仁舊土府近改流官所屬皆長官司銅平有叛苗不納稅糧者官以逋欠責見戶見戶益多逃亡官府嚴督土官平頭長官遂挈印逃諸苗悉騷然叛矣湖貴諸守臣討之不能定上其事嘉靖庚子。

朝廷召萬鏜起家為提督副都御史開府辰州令相機撫勦鏜集諸路漢土兵討之不克有言鎮溪土指揮田應朝為諸苗所信服足辦此事鏜用為巡捕指揮鎮溪本流官屬辰州衛有千百戶五員所印例委衛指揮掌之別有土官指揮二員千百戶十員乃土目以功授者不列銜不食俸蒞事見流官指揮掌印者禮如屬官田應朝即土指揮少曾為辰州府學生員巧黠多智術能誘煽諸苗苗多信之往年永順保靖相仇殺皆應朝陰構亂而兩利其賄苗之無忌應朝實啓之數年恒挾苗以市官府至是得巡捕益大肆奸利督府監司不悟顧

皇明世宗 卷之三 苗寇 平湖貴苗

切任用之。征則庇真寇，誘殺居民，冒功賞。撫則挾求重貲，多反覆。苗實未蒙惠利，故功久不成。鏜召苗渠魁使來見，苗謂必得質始出。鏜令千戶某入質苗寨，苗魁龍某來見，鏜執以聞，誅之。苗殺其所質千戶某，鏜乃厚恤其家，復遣兩省諸監司挾所隸土官，親詣賊巢招撫，犒以花紅牛酒，給魚鹽，又計口給糧食。苗魁龍許保給冠帶，時湖廣苗以連年被勦，故聽撫。惟貴州苗雖稍戢，然未懲創，內實驕橫，鏜遂班師。

朝廷冬論功陞賞，召鏜還爲刑部尚書。未幾，苗魁龍許保、吳黑苗復猖亂，焚剗州縣，兩省無寧日。嘉靖戊申，遷兩廣總督侍郎張岳爲右都御史，撫勦之。仍開府駐師辰州，岳至，集兩省官議，衆多謂林箐深密，累討無功，撫之便，卽不聽撫，以兵戍守之，使不出掠可也。亡何賊復攻陷印江縣治。

上隆詔切責之。岳詢前故，知撫無益，久戍守亦非策，乃力主討之。其湖廣聽撫諸苗，行令叅政王崇如故撫處，崇亦撫綏有方，苗遂不復叛。惟近貴數村寨，黨比貴苗，龍許保等猖獗，岳乃大集漢土官兵，以嘉靖庚戌九月進兵討之。總兵則沈希儀領兵。

則參將石邦憲等監督則貴州副使趙之屏湖廣
參議張景賢而銅仁防禦皆石邦憲先所規畫時
邦憲以印江失事故被論劾

制下當解任聽理岳歷叙邦憲功次上疏留之自九
月進兵至十二月屢破苗寇岳乃疏報各哨擒斬
俘獲近二千餘人從賊首有名者五十人擒獲龍
許保母女妻妾官兵報稱龍許保已獲第未逮至
餘賊逃匿林箐凍餓死者幾盡其巢寨俱已焚毀
所窖藏米穀燒掘無遺具以捷聞龍許保實未獲
遂撤新調兵止留石邦憲等搜捕首惡嘉靖辛亥

二月龍許保吳黑苗復糾合湖廣附貴境叛苗出
劫思州府或謂四川酉陽宣撫冉玄實陰主之思
州城中居民不數十家舊有瞿塘衛踐更卒戍守
時聞苗寇平城守稍怠知府李允簡方視衙苗寇
百餘人佯稱瞿塘卒更戍突入城殺吏民百餘人
掠帑藏執允簡及經歷知事等官去石邦憲等聞
報亟分遣兵邀其歸路諸苗懼縱允簡等得逸歸
繇小徑各遁入林箐石邦憲等所遣兵伏諸路邀
擊擒斬數十餘人岳乃檄永保二宣慰及酉陽宣
撫冉玄會兵討湖苗助逆者數寨其冉玄助劫思

州事。岳以事狀未明，不暴其罪，第嚴督責之。未幾各兵擒斬湖苗渠魁數十人，餘黨復以撫定。田應朝自得巡捕後，日益恣橫，有司寢不能制。既構永保釁，又合酉陽兵攻平茶，虐殺無辜若干人。及官兵討苗，多所沮撓。岳至，檄使來見，不出。顧謾語應之。岳廉知應朝雖諂，不習騎射，無武勇，其所恃從叔田勉驍悍爲之牙距。岳先以計執勉，數其罪杖之，斃于獄。應朝乃竄匿苗寨，累遣人自列。岳許之，令出立功贖罪。久不出，乃革其巡捕，以事屬鎮溪所諸千戶。應朝失巡捕，勢益窮，諸土官多仇嫉之。

其族人亦不直也。乃託永順宣慰，投見于軍門。岳以時方用兵，恐激他變，乃杖而釋之，令從征。暨苗寇破，仍以計擒，杖殺之。時諸苗畧定，惟龍許保吳黑苗未獲。岳檄石邦憲等懸賞構之。邦憲等密遣使入寨，賄令聽撫。苗麻得盤吳老律吳且逞等，窺龍許保至龍田寨，所親家弔喪，誘至別寨，飲酒醉而縛之。預遣人報邦憲，以兵取之去。岳疏聞，誅之。諸守臣任轍等欲遂罷兵，岳持不可，謂吳黑苗未誅，必爲他日患。時黑苗無所踪跡，詢知其以捕急故深自也。岳乃緩其令，所羈執親黨盡釋，令去。

密督諸土官索之。至嘉靖壬子八月。土官某廉得其處。遣兵劉甫等徑入寨襲斬之。持其首出。被諸苗欲攘其功。追奪去。以火焙令乾藏之。索重賞。僉事龍遂給賞。仍令土官田興邦督索得之。驗寔乃賚至軍門。岳始以竣事聞。

朝廷集衆議。設總督鎮撫其地。留岳爲之。數年得代去。

開設鄖陽

鄖在古爲糜國。春秋時爲楚附庸地。多山。元至正間。流逋作亂。元祚終竟不能制。

國初。命鄧愈以大兵勦除之。空其地。禁流民不得入。

然地介湖廣河南陝西三省間。又多曠土。山谷隄塞。林箐蒙密。中有草木可採掘食。天順中。歲饑。民徙入不可禁。聚旣多。無所稟約束。中巧黠者自相雄長。稍能驅役之。有錦衣衛千戶楊英者。以使事至河南。聞其事。歸上疏。請命有司賑恤。因散遣其衆。願占籍者聽。疏入不報。三省官又多諉非已境。

項忠盪定
是一時之
功原傑經
畧乃百世
之利

皇明世宗金 卷八十三
內。遂日因循。至成化元年夏。流民劉千斤倡亂。以其黨石和尚爲謀主。劉長子苗龍苗虎等爲羽翼。居南漳。衆至數萬人。遂僭號改元。爲署置諸將帥。襄鄧漢中之境。屠掠出沒。民無寧居。諸守臣不能禦。列其事上。二年夏。

朝廷以尚書白圭督戎務。撫寧伯朱永爲平虜將軍。帥兩京及諸路兵往討之。師抵南漳。永病。湖廣總兵李震師土兵來會。圭指授方畧。督震等分道進兵。敗其前鋒。賊退保據險。立柵自固。震等麾其兵進。士冒險深入。乘勝攻破之。遂擒劉千斤并苗龍

等。石和尚與長子遁入巖險。會永病愈。更帥兵入。與震等協搗其巢穴。斬首九百餘級。指揮張英招降劉長子。以計擒石和尚。送軍門。賊大潰。追剿餘賊。又戰于古路山。斬首萬餘級。獲其僞將校劉聰等百餘人。諸郡邑悉平。諸將忌張英功。譖于永。謂英多獲賊賄。以事誣殺之。遂班師。劉千斤等磔于襄市。論功加圭太子少保。進永封撫寧侯。封震興寧伯。餘將士陞賞有差。時寇雖平。諸郡邑控制戍守皆未設。地曠險如故。未幾餘孽李鬍子復煽衆作亂。流民歸者至數萬人。勢復猖獗。七年春。

皇明世法錄 卷之三
朝廷復遣右都御史項忠督兵討之。諸將欲進兵。忠曰。流民逃聚山谷。其始非擬爲寇。勢多脇從。民去官府遠。旣陷盜中。遂不能自脫。乃遣人持榜入山招諭。有能去賊自歸者。禁勿殺。于是民多携老弱。纍纍來歸。賊勢遂不振。然後縱兵擊負險不服者。斬首二千餘級。李鬍子遁爲其黨所殺。斬首出降。賊衆大潰。遂發兵搜捕諸山谷。盡徙出之。發還鄉者百四十萬。編戍者萬餘人。諸郡邑復平。班師進。忠左都御史。初。忠下令逐流民。有司乘兵威。所在驅迫。盛夏道渴。疫癘死者不可勝計。亾何歲復饑。

民逐去復至。有司懲前事。以逐流民爲靖亂策。祭酒周洪謨憫其事。爲著流民說。其畧謂山谷曠遠。民遭水旱。上不能賑恤。則轉徙。其間勢必不能禁。不若因而撫定。使占版籍爲土著。可以填實襄鄧戶口。又援晉置松滋縣。南雍州事爲徵。時成化十二年。流民集復如前。右都御史李賓恐逐之生他變。乃卽洪謨所著說。疏上之。制曰。可。遂命右副都御史原傑往任其事。傑至徧歷諸郡縣。深山窮谷。無不親涉履。宣

上德意。延問諸流民所欲。諸流民無不忻然願附版

皇明世法錄 卷八十三
籍爲土著民者。于是大會湖廣河南陝西三省撫
按藩臬諸臣。籍流民得十一萬三十餘戶。遣歸故
土者一萬六千餘戶。其願留者九萬六千餘戶。許
各自占曠土。官爲計丁力限給之。令自墾爲永業。
以供賦役。置郡縣統治。于是湖廣割竹山地。分置
竹溪縣。割鄖縣地。分置鄖西縣。河南割南陽汝州
唐縣地。分置桐柏南召伊陽三縣。陝西析商縣地
爲商南山陽二縣。而陞商縣爲商州。又卽湖廣鄖
縣設鄖陽府。以統鄖房竹山竹溪鄖西上津六縣。
且立鄖陽行都司。及鄖陽衛控制之。俾民流寓土

著相參錯居。經畫既定。乃列其事上。遂薦鄧州知
州吳遠爲鄖陽知府。諸州縣皆選隣境良能吏習
知其事者爲之。又以地界三省無統紀。薦御史吳
道宏才望。請代已任。得兼制三省。撫治八郡居鄖
陽。

上悉從之。擢道宏爲大理少卿。代傑撫治。傑還進右
都御史。尋遷南京兵部尚書。未任卒。八郡民間之
無不流涕。爲立祠焉。尋改道宏撫治右僉都御史
開府鄖陽。遂爲定制。其後野王剛何淮等倡亂。撫
治都御史隨討平之。

下壁... 三寶... 人... 正統... 殺... 入... 寧... 化... 縣... 依... 豪... 民... 陳... 正... 景... 易... 今... 名... 茂... 七... 聚... 眾... 為... 墟... 集... 會... 常... 數... 百... 人... 有... 司... 立... 茂... 七... 為... 會... 長... 遠... 近... 商... 販... 至... 皆... 依... 之... 漸... 恣... 橫... 願... 指... 殺... 人... 尋... 為... 讐... 家... 所... 訐... 縣... 官... 捕... 之... 拒... 捕... 與... 正... 景... 率... 黨... 劫... 上... 杭... 從... 者... 日... 眾... 回... 攻... 汀... 州... 為... 推... 官... 王... 得... 仁... 所... 敗... 三... 戰... 得... 仁... 擒... 正... 景... 送... 京... 師... 斬... 之... 正... 統... 十... 二... 年... 茂... 七... 率... 其... 黨... 據... 杉... 關... 劫... 商... 旅... 遂... 攻... 光... 澤... 縣... 大... 掠... 順... 流... 下... 攻... 邵... 武... 官... 民... 悉... 逃... 匿... 至... 順... 昌... 據... 之... 賊... 去... 邵... 武... 官... 民... 始... 復...

平福建寇

鄧茂七者江西建昌人初名鄧雲豪俠為眾所推
 正統間殺人亡命入閩至寧化縣依豪民陳正景
 易今名茂七聚眾為墟集會常數百人有司立茂
 七為會長遠近商販至皆依之漸恣橫願指殺人
 尋為讐家所訐縣官捕之拒捕與正景率黨劫上
 杭從者日眾回攻汀州為推官王得仁所敗三戰
 得仁擒正景送京師斬之正統十二年茂七率其
 黨據杉關劫商旅遂攻光澤縣大掠順流下攻邵
 武官民悉逃匿至順昌據之賊去邵武官民始復

入城順昌官民亦入保邵武于是尤溪羅主蔣福成乘亂因爐丁號集居民村落貧人及亾賴悉歸之旬日有衆萬餘遂襲尤溪據之與茂七聲相聞聞將劫沙縣及延平延平上其事省城御史丁宣偕藩臬諸使至延平遣同知鄧洪等帥兵二千往沙縣勦之福成遂與茂七合拒官軍皆沒焉丁宣乃遣使招諭令解散得免死茂七等笑曰吾豈畏死求免者吾取延平據建寧塞二關傳檄南下八閩誰敢窺焉殺賚書使者據貢川及玉臺館締置里圖甲役遂據沙縣勢益猖獗御史張海始至延

平遣都指揮張某劉某率兵四千往剿之行二十里至雙溪口道隘賊惟二十餘人伏左右村店中俟兵過將盡都指揮後殿至賊伏猝起舉排柵塞道前驅不可返從兵不數十人賊遂殺都指揮并其從兵長驅兵覺還禦之無及賊登山擁衆喊聲作官軍大潰御史上其事請兵討賊上遣使招諭之乃召都御史張楷至面諭以閩賊猖獗狀令偕都督劉得新陳榮往討之楷等以正統十三年九月出師至南畿分遣劉得新率兵繇江西道建昌會邵武楷率兵繇浙入閩使還請益兵

皇明世宗 卷八十三
三
朝廷屢降璽書。令相機持重。毋墮賊計。會處州賊葉宗留起掠鉛山等處。遮道浙江。守臣請楷駐師討之。楷分兵會浙江兵。勦處賊。宗留中流矢死。余賊奔入山。而茂七等勢益張。順流下至延平。平宣督官軍。櫻城自守。遣使趣迎楷。楷至廣信。先揭榜馳往招撫之。時處賊見官兵趨閩急。復出掠。楷命指揮戴禮率兵驅賊。都督陳榮謂楷曰。受朝命討賊。今延平事急。而鉛山不通。大軍密邇。二賊並熾。而我輩逗遛不進。遣一步將往。

朝廷知之。何所逃罪。楷然之。遣榮率戴禮等往。軍無紀律。猝遇賊戰。敗。榮禮皆死焉。楷聞敗。益兵進尋得報。劉得新率江西兵已至邵武。又聞鄧茂七有衆數萬。造攻具。攻延平。楷分兵進。會劉得新已取道趨建寧。

朝廷聞敗報踵至。復遣尚書金濂。寧陽侯陳懋。保定伯梁瑋。平江伯陳豫等。率京營及江西浙江等處大軍討之。以中官王瑾。曹吉祥爲監軍。未至茂七等攻延平久。餘賊至太平驛。副使邵宏譽等率兵與賊戰。射殺百餘人。軍士亡者亦倍之。以捷聞。劉得新等率兵至建陽。與賊戰。殺賊千五百餘人。先

皇明世宗 卷八十三
是賊于近城五里許。斷橋爲守。道阻不通。及劉得
新敗賊。楷等乃遣使招諭賊徒黃琴等三十餘人。
令復業。禁居民不許復私讐。至是建陽路始通。
璽書又屢至戒飭詳切。沙縣賊首張繇孫至延平自
首復業。又引從賊羅汝先等詣楷請降。願殺賊贖
罪。且云賊自曩敗後。皆據山險自衛。必欲取之。吾
爲公從中說令攻城。公悉大軍攻之。吾爲內應。可
擒。許之。先賊首劉宗羅海郎七等俱茂七僞將。掠
財聚陳山寨。黃琴等計擒之。詣軍門。械送京師。楷
遂益兵趨延平。遇賊攻城。遂擊殺賊千餘人。賊衆

稍却。茂七等復移兵寇建寧。守臣張英與賊戰死
之。于是楷等還趣建寧。金濂等大軍亦至。賊遂退。
尋報賊復下山攻延平。張繇孫羅汝先誘之出也。
劉得新等率兵駐延平城北。預于溪北伏兵。置火
器。賊擁衆溪南岸。乘浮橋渡。火器齊發。殺賊數百
人。衆大潰。官兵乘勝追殺。擒數十人。茂七中流矢
死。乃斬其首。賊遂大奔。得賊船百餘艘。乃函茂七
首。并生擒從賊首若干人。馳露布以捷聞。時正統
十四年二月也。楷等至順昌等處。慰撫居民。餘賊
或復擁茂七兄子鄧伯孫聚後洋。或散走各分據

山砦。平江伯陳豫等分道捕之。三月指揮王鈇捕賊于高陽里。獲賊婦廖氏。僞號女將軍。廖氏甌寧人。被擄至鄧伯孫所。妖淫善刁。最驍捷。兵敗歸母家。獲之。諸將各先後捕獲從賊首數多。俱檻送邵武。大軍至邵武。皆斬之。

璽書至。褒諭諸將。以降賊黃琴爲主簿。羅汝先爲縣丞。賞其誘賊功也。餘候班師論功。令陳懋等留勦閩賊未盡者。張楷還師討處州賊。先是有賊將張留孫者。極驍健。茂七起事。多仗之。茂七死。仍從鄧伯孫。千戶龔遂榮乃僞爲貽留孫書。許其自新。令

立功贖罪。若素有約者。佯使謀誤致之。伯孫伯孫果疑留孫殺之。由是賊黨人人自疑。棄伯孫來降。大軍遂執鄧伯孫。械送京師。斬之。諸山砦賊擁衆保險者。諸將先後擒斬。招撫畧盡。張楷遂往討處賊。金濂陳懋等留撫處。八閩悉平。乃班師。


正德初劉瑾用事。賄賂公行。百官非賫入不得遷。且禍及。故貪墨風熾。有司尤甚。連歲值水旱。瑾并徵數年積逋。急使者旁午出。敲朴慘酷。百姓無不嗟怨。思亂。霸州文安縣民兄弟劉六、劉七及齊彥名俱任俠。善騎射。初挾弓矢道中。刦行旅。號河北響馬賊。時中貴谷大用馬永成、張忠皆文安人。方倖用事。劉六等以鄉曲故。時往來諸中貴所。從其家人入禁內。縱觀。遂有輕朝廷心。亾何行刦事。頗洩露。都御史甯杲捕之。劉六

平河北寇

劉六劉七等侵薄兩畿。蹂躪數省。雖漢黃巾何加焉。賴天命。佐以盪平之。若諸臣控制之。畧未見其持必勝而得萬全者也。

正德初劉瑾用事。賄賂公行。百官非賫入不得遷。且禍及。故貪墨風熾。有司尤甚。連歲值水旱。瑾并徵數年積逋。急使者旁午出。敲朴慘酷。百姓無不嗟怨。思亂。霸州文安縣民兄弟劉六、劉七及齊彥名俱任俠。善騎射。初挾弓矢道中。刦行旅。號河北響馬賊。時中貴谷大用馬永成、張忠皆文安人。方倖用事。劉六等以鄉曲故。時往來諸中貴所。從其家人入禁內。縱觀。遂有輕

朝廷心。亾何行刦事。頗洩露。都御史甯杲捕之。劉六



皇明世宗 卷八十三
等遂聚眾拒捕。其黨有楊虎、劉惠、邢老虎等，皆俠徒，相結納爲盜。會杲罷去，正德六年秋七月，兵部檄有司逐捕，擒齊彥名。繫安肅獄。劉七等帥眾劫之去，遂反。諸窮民響應之。旬日有眾數千人。屢敗官兵，橫不可制。流劫山東，還入畿內。京師戒嚴，以右副都御史馬中錫督戎務。惠安伯張偉總兵討之。賊還攻文安，有趙燧者，文安罷棄諸生也，勇力任俠，自負。以其家屬被賊辱，鏃不勝忿，手刺殺二賊。爲劉七所獲，遂從賊。以通文義，故遂得列爲渠魁。時承平久，戎政廢弛，京營兵出討賊，皆市井惰

游，素未當矢石。中錫書生，欲效龔遂化渤海事，招撫之。張偉亦統袴子不知兵。中錫乃榜示各屬，賊不殺掠，有司勿擅捕，仍給飲食。賊降，待以不死。劉六等遂不殺掠。至德州，劉六來謁。中錫推誠撫之。劉六欲降，劉七不可，曰：「今政在內臣，馬公豈能踐其言，潛使人入京探

朝廷無招撫意，又輦金帛饋諸中貴，求救不得。遂不聽撫，仍大肆劫掠。至故城，賊戒眾勿焚掠。馬都御史家，繇是中外謗騰，謂中錫欲庇其家，故縱賊。遂逮繫中錫及偉，下獄論死。中錫竟死獄中。偉貸死

奪爵。時賊已數萬人。衆議勿迫京師。須先得河北河南。後至南京。南京大位具存。可就彼封拜。乃分其衆爲二。劉六劉七齊彥名等爲一黨。推劉六爲主。楊虎劉惠趙鏐等爲一黨。推楊虎爲主。劉六等攻破青縣。往山東。復令劉七還兵。攻破棗強縣。知縣段豸死之。又攻景州。獻縣阜城。畧青縣靜海滄州。焚劫漕舟若干。楊虎等攻破興濟縣。亦攻滄州。劫糧運。至南皮。執東光知縣顧某。畧南宮棗強等縣。九月至景州。總兵官馮安帥兵擊之。殺賊千餘。楊虎等奔小灘。都指揮田某帥兵擊之。官兵敗死

者七千餘人。指揮趙文被執。尋釋之。虎等亦往山東蒙山等處。副總兵李瑾帥兵擊之。敗績。虎等遂畧濟南東昌兗州登州萊州等府。東平高唐濟寧沂豐等州。青城樂陵荏平等縣。

朝廷見馬中錫等無功。諸中貴謂此事非書生所能辦。乃命太監谷大用。總督兵部侍郎陸完提督。駐臨清。居中控禦。檄宣府游擊許泰邵永。大同副總兵張復。遊擊江彬。帥邊兵入討之。逮巡撫真定都御史蕭翀。巡撫山東都御史邊憲。俱下獄。除名去。以不能禦賊故也。又著爲令。州縣官失陷城守者。

皇明十法金 卷八十三
如邊將失機罪論死。時劉六楊虎二寇皆往來山東。聲勢相倚重。或合兵攻劫郡縣。已復分爲二。楊虎略得崔氏爲妻。亦驍健。時領賊衆劫掠。後虎死。有楊寡婦。軍是已。時山東郡縣多爲賊所破。惟不敢近樂陵。樂陵令許達築城浚隍。令城內外民皆環其室築土墻。高過其簷。家開圭竇。僅可一人出入。令壯夫執刃候竇內。號令嚴明。亾何賊至。舉火。火無所施。入土竇。被守者擒斬之。旗舉伏發。賊殲焉。事聞擢達山東兵備僉事。賊劉六合崔氏以千騎犯利津。達禦之。斬首四十餘級。追至德平。復大

破之。達河南人。後爲江西副使。死宸濠之難云。齊彥名分兵南畧。至裴子巖。會遊擊許泰兵至。擊之。殺賊八九百人。追至大名府。又斬獲一千餘人。楊虎等破靈山衛日照等縣。攻徐州城未破。十一月。至宿遷。高郵衛兵禦之。敗績。死者三百餘人。楊虎乘小舟渡河。官兵擊之。舟覆。虎溺死。衆推劉惠爲主。趙鏐副之。遂執高郵衛指揮陳朋。至靈壁縣。令陳伯安帥兵禦之。兵敗。亦被執。伯安不屈。劉惠欲加害。趙鏐勸令釋之。遂破虹縣。永城。夏邑。虞城等縣。執虞城知縣某。尋釋之。破歸德州。至亳州。指揮

石某帥衆及僧兵三百禦之。敗績。僧兵死者七十餘人。至鹿邑縣蔡縣致仕知府某及邑庠諸生數人饋金幣馬匹求免攻城。劉惠許之。時劉六劉七等往來山東北直隸爲河北害。劉惠趙鏊寇畧河南。劉六等爲官兵所敗。勢稍微。衆五六萬人。劉惠趙鏊至河南。勢益猖獗。有陳翰者用事。稱主事。僞署官職。劉惠稱奉天征討大元帥。趙鏊爲副元帥。翰爲元帥府長史。諸賊首分二十八營。以上應列宿數。通計諸營賊衆。至一十三萬有奇。于是河南賊爲獨盛。僉事孫某遣人賫黃榜招之。賊具乞恩

疏達

朝廷。以誅奸臣爲言。遂攻陷裕州。同知郁采死之。并殺御史任某。都指揮詹某。又破上蔡。知縣霍恩死之。事聞。并前棗強知縣段豸等。俱有卹典。得贈謚。賜廕焉。乃命副都御史彭澤。總制延綏寧夏兵。專討河南賊。陸完等專經畧河北。七年正月。劉惠趙鏊聞南陽有備。去攻唐縣。知縣某帥衆禦之。晝夜登城拒戰。賊攻城二十八日不克。乃引去。劉惠趙鏊見賊聚衆。乃分遣賊徒于襄陽樊城棗陽隨州新野等處劫掠。二月。劉六劉七齊彥名等。在山東

皇明世宗 卷八十三
滕縣。爲總兵劉暉等所破。殺千餘人。敗奔登州。海
套官兵圍之。劉六等潰圍奔古縣鎮。官兵又追敗
之。賊衆大潰。止餘數百人。仍奔北直隸香河寶坻
諸處。劉惠趙鏖陷泌陽。前大學士焦芳走免。賊盡
發其先世塚墓。取芳衣冠被庭樹劍斫之。曰吾手
誅此賊以謝天下。先是攻釣州不克。欲屠城。以尚
書馬文升家故去之。至固始潁州等處。時賊黨衆
散遣南畧。會都御史彭澤及河南鄖陽都御史總
兵官等督延綏寧夏兵至。并湖廣土兵擊賊屢敗
之。斬獲賊衆。及渡河溺死者五千餘人。賊黨沿途

逃散者甚衆。遂大敗。被追急奔光山六安諸處。又
攻破舒城縣。復還商城。僉事郭詔督兵追至羅田
油河。擒獲三百餘人。圍困焚死二百餘人。又天雨
山水驟溢。溺死者一千餘人。時賊徒陳翰見勢敗。
赴總兵仇鉞投降。王本等三百餘人奔湖廣界。遇
叅議白金李源擒斬百餘人。餘皆逃散。入諸山谷。
又賊三百餘人。繇信陽刼掠往桐柏。知縣李聚敗
之。擒斬數十人。奔泌陽。知縣劉機敗之。擒斬數十
人。奔固始光山商城光山。俱被官兵擒斬畧盡。餘
衆散入湖廣河南界山中。河南僉事王珰追襲賊

皇明世法錄 卷八十三
屬劉覺勝趙鎬等擒之。劉惠趙鏊帥餘賊萬人至應山縣。僉事郭詔等帥兵追及于二郎畝擊敗之。斬首百餘級。墜崖溺水死者一千餘人。衆潰散。劉惠不知所終。趙鏊與邢本道等餘賊至應山東化山下。趙鏊削髮鬚假僧人真安度牒爲僧。邢本道及餘賊四散奔軼。趙鏊遊食至江夏爲軍人。趙成所獲。時正德七年夏四月也。劉六劉七等先自登州古縣鎮之敗。復奔北直隸香河寶坻王田等處。招集餘黨稍衆。至武清縣。叅將王杲帥兵擊之。兵敗杲陣亡。伏羌伯毛銳帥京營兵與戰于真定之

境。銳大敗。軍資喪亡畧盡。遇宣府遊擊許泰兵救之。銳以身免。失所佩印。徵還京。以與谷大用同事。僅罷歸第。時劉六劉七齊彥名屢敗。復集賊徒。不過千人。其擄掠脅從者衆。仍號數萬。官兵與戰則驅所脅良民當之。楊一清欲重賞格制許斬賊三級陞一官。故官兵率多殺良民冒功。賊過兵遇平民亦殺之。大同遊擊江彬殺冀州民一家二十三。人。民訴之。陸完等恐挫軍士心不爲理。故屢報捷。斬首級至萬餘。陸完谷大用等。至十數降勅獎諭犒師。費太倉金二百萬。而賊猶不滅云。閏五月劉

皇明世宗 卷之三
六等屢爲邊兵所敗。繇南直隸走黃州。至團風鎮。爲湖廣土兵所扼。劉六并其子劉仲淮被追急。赴水死。劉七與齊彥名等奪舟入江。奔南通州。復至蕪湖。下鎮江。南京都御史陳某帥操江兵與戰。敗績。官兵溺水死者甚衆。然賊衆亦潰散。劉七等欲自通泰趨淮安。復還山東。爲揚州兵所扼。復自通州泝流至九江。七月。復下南京。賊敗。餘衆往來江上。官兵莫能禦。七月。劉七與徐彥名等帥餘賊復舟駐狼山。大風作。舟壞。劉七等上山。被官兵圍勦。劉七中流矢。復登舟。舟覆。溺水死。齊彥名等爲亂兵所殺。賊衆皆盡。趙鏐械繫赴京師。中道詔磔誅之。九月。論平賊功。封太監谷大用弟谷天寬爲高平伯。太監陸閭弟陸永爲鎮平伯。咸寧伯仇鉞進封咸寧侯。並賜券世襲。陸完已陞右都御史。加太子太保。召總臺務。廕一子錦衣衛百戶。餘各陞賞。有差。諸中貴勲戚子弟。以奏名從軍。得冒功授錦衣官秩者千餘人。內帑儲積亦耗竭。或傳數年後有人見劉七于山西塞下。實未死。狼山云。

六年冬，聚衆反，劉烈衆侵掠陝西。官兵討敗之。烈
 不知所終，而廷瑞等漸猖獗，遂僭稱順天刮地掃
 地等王。官兵討之，不克。衆至數萬人，侵湖廣、鄖陽
 等處。五年正月，命尚書洪鍾總制軍務，督四川、陝
 西、湖廣兵討之。藍廷瑞等攻破通江縣。四川巡撫
 都御史林俊督漢土官兵擊敗之，又敗之于門枕。

勦平蜀盜

藍廷瑞、鄆本、怒、廖惠皆四川保寧人。廷瑞行山中，
 得古棄印，亡何，又得一劍，自謂有天瑞時。保寧劉
 烈反，僭稱王。廷瑞等遂以所得印劍煽惑民。正德
 四年冬，聚衆反。劉烈衆侵掠陝西。官兵討敗之。烈
 不知所終，而廷瑞等漸猖獗，遂僭稱順天刮地掃
 地等王。官兵討之，不克。衆至數萬人，侵湖廣、鄖陽
 等處。五年正月，命尚書洪鍾總制軍務，督四川、陝
 西、湖廣兵討之。藍廷瑞等攻破通江縣。四川巡撫
 都御史林俊督漢土官兵擊敗之，又敗之于門枕。

皇明世法錄 卷八十三
城峽。又會湖廣兵敗之于鎮坪茅垵，擒廖惠，斬之。藍廷瑞合鄂本恕兵，奔陝西，越漢中。至大巴山，俊遣兵追及，大破之。賊棄輜重走。會洪鍾以總制至四川，與林俊議多不合，軍機進止，每牽制不速。進討，廷瑞等招集散亡，勢復大振。攻燒營山縣治，殺僉事王源。洪鍾乃會林俊、檄叅政曹祥、叅議錢朝鳳、副使公勉仁、僉事李恕等，督四川兵。會陝西巡撫都御史藍章、檄副使來球、副總兵閻綱等，督陝西兵。檄湖廣叅議方璘、都指揮李玉、樊燁，督漢土兵。又檄河南都指揮徐節、鮑威，帥所部兵分路進。

勦鍾與俊親監督之。以六年四月二十八日，湖廣兵先追及于陝西石泉縣熨斗壩。賊見官兵追急，不暇擄掠，求招撫。時官兵追者未盡至，乃計款之。令至四川東鄉縣金寶寺聽撫。賊令其黨十數人隨各將校詣軍門陳告。五月初八日，鍾等各給榜示，并檄召廷瑞等約日令出降。仍檄諸路兵進兼防守諸關隘。賊雖許聽撫，意在緩師。欲延至秋熟得畧食，實無降意。違所約期十餘日。至六月十四日，始至信地。依山駐營。廷瑞、本恕俱不出。使人來言欲得營山縣治，或臨江市駐其衆，方出見。且要

皇明世宗 卷八十三
取旗牌官爲質。鍾等俱許之。鄢本恕來見回營。藍廷瑞始復來見。且降。且肆殺掠。仍于松樹埡劫擄民家。計欲脫走。官兵分七哨周匝防守。巡邏甚密。不得間。乃止。賊衆見勢窘。漸潰散去。十五日。廷瑞以所擄女子詐爲已女。嫁領兵士舍彭世麟爲妾。以結驩。世麟白軍門受之。遂邀諸賊首至營宴會。鍾令廷瑞所親鮮于金說廷瑞及本恕。于十六日帥諸賊首二十八人。同至彭世麟營赴宴。伏兵盡擒之。賊衆聞變。遂大潰。四出奔軼山谷。鍾等遣諸路兵分道追勦之。擒斬溺死。并俘獲婦女老弱騾

馬兵仗甚衆。未盡者許自投首撫之。惟從賊首廖麻子未獲。捷聞。洪鍾加太子太保。林俊陞右都御史。藍章陞右副都御史。太監韋興加祿米十二石。俱錫金幣。餘將士各陞秩。賞賚有差。是年正月。江津縣賊曹甫亦聚衆作亂。攻圍縣治。殺僉事吳景。僭號稱王。都御史林俊自調兵擊敗之。誅甫。甫黨方四任鬚子擁餘衆走綦江。入思南石阡等府。俊與總制洪鍾等會勦藍鄢等寇。不暇追襲。數月之間。方四等復猖獗。有衆數萬。方四僞稱總兵。任鬚子僞稱御史。餘賊首二十餘人。僞稱評事等名。六

月貴州兵敗之于思南。播州兵敗之于三跳諸處。先後擒斬三千餘人。賊繇貴州復入四川。欲至江津復仇。八月賊攻南川。馬頸雀子罔等關。官兵禦之。又攻東鄉永澄漕諸處。儼回兵禦之。前後頗有斬獲。百戶柳芳等陣亡。官兵敗。賊遂越關入南川。綦江境。聲言欲取江津。重慶瀘州叙州以寇成都。遠近震駭。林俊會洪鍾。及巡撫松潘都御史高崇熙。檄各屬漢土兵至。俊駐江津。崇熙駐瀘州。太監韋興駐成都。御史王綸駐重慶。檄副使何珊都指揮鄒慶帥兵繇合江進。副使李鉞知府曹恕帥兵

繇江津進夾攻之。叅政邵蕡知府劉思賢督餉。九月十四日。賊攻江津。會石砭兵至。并力禦之。賊敗走。追至合小坪。破其四營。十八日賊以八千人昇攻具。復攻江津。俊遣李鉞曹恕督酉陽播州石砭等兵分三道迎擊之。賊敗。追至高觀山。斬首五百餘級。俘獲二百餘人。官兵乘勝追擊。賊望見兵少。還擊官兵。副使李鉞被賊追窘。賴吏何士昂射退。獲免。賊勢猶銳。酉陽等土兵奮擊之。斬首二百餘人。賊敗。乃據高下石。兵不敢近。賊復擁衆衝中堅。鉞窘。復賴吏何定何士昂掙免。俊等見賊銳甚。下

令收兵暫休。羽檄徵各屬兵，仍遣生擒賊周大富入營招撫之。十三日方四令其黨李廷茂出告撫。俊等許之，與約日投見。許以不死，賊竟不至。高崇熙訪知賊首皆仁壽人，遣使詣仁壽取各賊家屬入營招之。方四等殺其族屬不聽，撫遣人來言任其自散去，乃從。二十一日李鉞督諸將，校分兵爲六哨，由大埡、小埡、月埡各關並進，直衝高梁。賊不能禦，六面皆令破，其中堅斬賊首任鬍子等。賊大敗，追殺三十餘里，斬首一千八百餘級，生擒方四妻妾、俘獲幼男婦女三千四百餘人，餘衆墜跌崖

壑，填塞筍溪等河三四里許，奪獲驢騾馬四千五百有奇。賊遁走，土兵乘勝追勦，又殺二百餘人。賊見兵少，還兵衝殺，千戶田宣冉廷質等官兵敗，所擒方四妻妾并騾馬復被奪去。賊首方四并餘賊二千餘人，俱遁入思南境內。且言聚衆，候明年復來，共約前後斬獲并墜崖溺水傷死共七八千人。俘獲男婦亦可二千餘。捷聞，林俊等賞各有差。時俊因與洪鍾議不合，又以不容中貴子弟從軍冒功，故權倖多忌之。自知不爲時所容，敗賊後以疾乞休。

皇明世法錄 卷八十三
上允之。臺諫屢疏留之不報。蜀人號泣追送。俊去。方
四餘黨復熾。又賊麻六兒喻思俸駱松祥范藻等
先後倡亂。內江崇慶之境騷然。踰年。洪鍾等不能
定。四川巡按御史王綸劾鍾玩寇殃民罷之。以右
都御史彭澤代鍾總制討賊。澤威令嚴明。賞罰公
信。諸賊雖蜂起。然視藍鄆方任四大寇。差弱易制。
澤先平麻六兒及喻思俸。次平內江崇慶之寇。至
正德九年春。蜀盜始平。

平兩廣蠻

廣西潯州之境。萬山盤蠡中。有水曰潯江。發源柳
慶東。遶至潯帶象州永安修仁荔浦平樂諸郡縣。
夾江諸山。皆矜砑巖嶮。其最險惡地。爲大藤峽。今
易爲斷藤峽。蓋有孤藤度峽。礮如徒杠。今斷之。故
名。南截潯水爲府江。自藤峽至府江約三百餘里。
地惟藤峽最高。登藤峽巔數百里。皆歷歷目前。軍
旅之聚散往來。可一盼盡也。諸蠻以此爲隩區。藤
峽則以桂平大宣鄉崇姜里爲前庭。象州東鄉武
宣北鄉爲後戶。藤縣五屯障其左。貴縣龍山據其

皇明世宗 卷八十三
右。若兩臂然。峽北巖峒以百計。如仙女關九層厓。極險阨者亦十數處。峽以南有牛腸大岫諸村。皆緣江立寨。藤峽府江之間爲力山。力山之險又陪藤峽。又南則爲府江。週遭蓋六百里。其中多冥巖。輿谷。絕磴絕壁。入者手挽足移。十步九折。一失足則隕身數百仞下。中產猥人。藍胡侯盤四姓爲渠魁。力山又有獯人。善傳毒藥弩矢。中人無不立斃者。雖四姓諸猥亦憚之。其言語侏離。重譯始解。景泰中。猥酋侯大狗等倡亂。嘯聚萬人。修仁荔浦力山平樂皆應之。攻墮郡縣。出沒山谷。守臣不能制。率以招撫縻之。時

朝廷北有虜警。未遑問也。天順中。益縱恣。發兵捕之。詔有捕得大狗者賞千金。爵一級。竟不可得。久之蔓延。廣東高廉雷之境。所至殘毀。兩廣守臣皆待罪。會

憲宗初卽位。銳意南討。集廷臣議。兵部尚書王竑言。峽賊稱亂。其始由守臣失策。以招撫圖爲苟安。長其桀驁。譬諸驕子。愈惜愈啼。非流血撻之。啼不止。爲今之計。當大發兵討之。竊見浙江叅政韓雍智勇過人。材兼文武。屬以討賊。可紓南顧憂。而諸將

皇明世宗金 卷八十三
中推都督趙輔材畧可任。乃擢雍爲僉都御史。督
戎務。輔爲征夷將軍。帥兵討之。右都督和勇爲游
擊。太監盧康陳宣爲監軍。戶部尚書薛遠督餉。御
史劉慶汪霖紀功。闔外之事。一以屬雍。

制曰。將士有功者得自署置三司。而下不用命者。輒
以軍法論。朕不中制也。成化元年六月。雍等至南
京。會諸將議。皆曰。兩廣殘破。盜所在屯聚。宜分兵
撲滅之。令游擊帥江西及降胡兵。繇庾嶺入廣東。
大軍繇湖廣入廣西。賊在廣東者驅之。在廣西者
困之。如是乃可滅賊。雍曰。不然。賊已流劫蔓出而

所至與戰。是煽禍也。大藤峽賊之巢穴。今以全師
擣之。旣至彼南。可以援高雷廉。東可以應南韶。西
可以取柳慶。北可以斷陽峒諸路。勢如常山之蛇。
動無不應。舉無不克。腹心旣潰。諸處之賊。假息遊
魂耳。何煩于逐乎。舍此不圖。而分兵四出。則賊愈
奔突。汗漫郡縣。愈殘毀。所謂救火而噓之也。未見
其濟。諸將曰。誠如公言。乃以官軍三萬人兼程而
進。七月至全州。會陽峒西延苗賊爲梗。擊滅之。斬
失律指揮李英等四人。將士股慄。九月至桂林。雍
按圖籍與諸將議曰。修仁荔浦。藤峽之羽翼也。不

剪除此。藤峽勢不孤。乃以永順保靖及兩江土兵
十六萬人。分五路進。窮追至力山。賊大敗。生擒一
千二百餘人。斬首七千三百餘級。十一月至潯州。
延父老問計。皆曰。大藤天險。重巖密箐。人不旋踵。
且瘴癘爲毒。不可深入。某等生長其地。不能得其
要領。賊聞大兵至。爲備益堅。莫若屯兵圍之。且耕
且守。可不戰自斃。雍曰。不然。山峽遼遠。紛披錯雜。
六百餘里。安可圍也。屯兵日久。將士懈弛。睥睨衝
突。豈能爲防哉。兵法曰。寧我薄人。又曰。先人有奪
人之心。薄之也。今我軍新破府江。士氣十倍。賊聞

喪氣。褫魄矣。因而乘之。可立破也。乃以總兵歐信
叅將孫麒。高端等。帥六萬八千人爲右軍。自象州
武宣分五道入攻其北。以都指揮白全。楊璵。張剛
王玘等。帥九萬二千人爲左軍。繇桂平平南分八
道入攻其南。以叅將孫震。指揮陳文章等守左江。
及龍山五屯。截其奔路。雍與趙輔和。勇營高振嶺
以督諸軍。雍復令歐信曰。山北旣破。便可提兵深
入。夾攻桂州。橫石諸厓。令夏正曰。林峒沙田。府江
道也。宜越古眉。雙髻諸山。伏兵林峒。扼其東奔。
諸將聽命。十二月朔。諸路兵並進。夾攻之。連破石

門道袍屋厦紫荆竹踏良胸古營牛腸大岫等寨。賊遁入桂州橫石等塘九層樓。據險立柵拒之。雍令麾死士。以大斧刊木開道。兩軍齊登。發火箭。焚其柵。而夏正自林峒來援。賊大驚潰。生擒侯大狗等七百八十餘人。斬首三千二百餘級。遂磨崖石紀歲月而還。土人謂自國初但能禦之。令無出掠。未有窮入巢穴破之者。乃斬峽藤斷之。易各斷藤。峽分兵捕雷廉高肇諸寇。先後平之。雍乃上言諸徭之性。憚見官府。攝以流官。終難靖亂。有上隆州土知州岑鐸。以罪在禁。而事屬曖昧。推鞠無因。况

蠻夷之族。不必責以彝倫。請復其職。俾領藤峽。開設州縣。仍隸潯州。又以各處巡簡。俱係流官。不諳民情。不辨地里。往來遷轉。難以責成。而部下有功土人李昇等。效有勤勞。請量授土巡簡官秩。或用為流官之副。彼皆感恩圖報。必能保障一方。又請移周冲巡簡司于勒馬。移靖寧巡簡司于獻俘。移思隆巡簡司于碧灘。東鄉龍山。各宜添設。又謂別類獞人。國初曾克戎伍。近用兵時。遣千戶李慶招之。多肯效順。請即本地開設千戶所。因其故俗。即以李慶為之酋帥統之。而以故酋裔為吏目。亦可

羈縻獷悍。藉以保障地方。又經畧撫處數事。奏上。上皆嘉納之。卽斷藤峽。設武靖州。以岑鐸爲知州。屬潯州府。以明年正月班師。論功。擢雍左副都御史。開府提督兩廣戎務。廕一子錦衣衛千戶。封趙輔武靖伯。子孫世襲。餘各賞賚有差。兩廣遂平。

文再平蠻寇

成化中。韓雍平斷藤峽。民獲寧居者二十餘年。正德五年。後遺孽漸熾。峽南賊尤甚。橫江禦人。總制都御史陳金。謂諸蠻不過利魚鹽耳。乃與約。商船入峽者。計船大小。給魚鹽與之。諸蠻就水濱受。去如權稅然。不得爲梗。蠻初獲利。聽約道頗通。金亦謂此法可久。易峽名永通。亡何諸蠻緣此益無忌。大肆掠奪。稍不愜。卽殺之。因循猖獗。遂負固爲大寇。嘉靖六年。王守仁以兵部尚書總制兩廣。初議檄湖廣土兵。誅盧蘇王受。至則蘇受已降。無事湖

皇明世宗 卷八十三
廣兵當回而蘇受初降亦願立功自贖兩江父老
遮道言斷藤峽及八寨賊猖亂狀請討之七年三
月守仁至南寧與諸守臣將帥議令湖廣僉事汪
濬廣西副使翁素僉事吳天挺及叅將張經都指
揮謝珮監督湖廣土兵各隨領哨指揮等官襲勦
斷藤峽賊仍分永順兵進勦牛腸等寨保靖兵進
勦六寺等寨期以四月初二日各至信地先是各
賊聞軍門檄湖廣土兵至皆逃匿深險後聞以蘇
受降罷兵又督府駐南寧散遣諸官兵無征勦意
及湖廣兵回皆偃旗息鼓賊弛不爲備至是官兵

突進四面攻圍賊敗退保仙女大山據險結寨官
兵攀木緣崖仰攻之初四日破賊寨初五日復攻
破油確石壁大陂等巢賊敗奔斷藤峽官兵追擊
之賊奔渡橫石江覆溺死者六百餘人官兵從後
追擊又敗之前後擒斬首從賊級并俘獲甚衆餘
賊潰散奔逸至初十日徧搜山峒無遺還兵至潯
州守仁密檄諸將移兵勦仙臺等賊二十一日仍
前分布各哨永順兵繇磐石大黃石登岸進勦仙
臺花相等處保靖兵繇烏江口丹竹埠登岸進勦
白竹古陶羅鳳等處期五月十三日抵巢各賊聞

皇明世法錄 卷八十三
牛腸等寨破滅。方據險自固。沿途設伏。埋簽禦之。官兵驟進。奮勇夾擊。擒斬俘獲甚衆。賊奔入永安力山。仍恃險結寨。乃分兵圍之。二十四日。各兵四面仰攻。賊乃大潰。奔諸路者。多爲防截。叅將沈希儀等所擒斬。餘賊竄逸。通計官兵二次擒斬賊級一千一百餘人。俘獲甚衆。于是斷藤之賊畧盡。先是守仁因八寨賊去。斷藤峽稍遠。四月初五日。別令布政使林富。副總兵張佑。監督田州府新附立功土目盧蘇王受五千餘衆。并官兵嚮道千餘。期以二十三日進勦。八寨猺賊各兵乘夜銜枚速進。

至日昧爽。抵賊巢穴。進遂破石門天險。兵入賊始驚覺。官兵乘勝追擊。賊且奔且戰。日午。四遠驍賊始聚衆二千餘人。并勢來拒。官兵奮擊之。賊旣失險。奪氣不能支。遂大潰。賊分道奔入高山。據險立寨。官兵亦分道追圍之。賊據高險。下礮石滾木。官兵仰攻不便。乃夜募死士。掩其不備。二十四日。復攻破古蓬寨。二十八日。破周安寨。五月初一日。破古鉢寨。初十日。破都者峒寨。賊大潰。防禦諸隘。叅將沈希儀等。又多擒斬逸賊。有賊千餘奪路走柳慶。官兵追及之于橫水江。賊爭舟渡。舟小賊衆。且

三月廿三日金 卷八十三 三
大風作。舟覆盡溺死。登岸者不數十人。乃分搜山谷間。墮巖險死者不可勝計。通計前後擒斬幾二千人。墮溺死及俘獲者甚衆。于是八寨之賊亦盡。兩江稍寧。守仁經畧撫輯。乃班師。又疏薦林富爲都御史。巡撫其地。疏上論功褒獎。陞賚有差。未幾。守仁召歸。卒于道。而武靖州知州岑邦佐不能鎮輯。且墨賊賄多曲庇之。故峽以北。賊復漸肆猖獗。其酋侯勝海者。居弩灘爲亂。指揮潘翰臣聽土目黃貴韋香言。誘勝海殺之。實貴香利勝海田廬也。勝海弟公丁集衆噪城下殺人。十五年五月。僉事

鄔閱參議孫繼武言于都御史潘旦。請討之。參將沈希儀沮之曰。猾賊未易取。須春江漲。以數千人從武宣順流下撲之。乃可不聽。閱繼武還潯州。以千人往擊。賊先遁去。斬一病夫而還。遂言賊已斂跡。請立堡戍。旦從之。希儀復言賊未大創。兵威不振。立堡難守。旦不聽。六月。堡成。閱令黃貴韋香以三百人戍之。許擇取勝海田廬不禁。于是諸獍大憤恚。邦佐又陰黨之。公丁遂集衆二千人。夜寇堡。殺戍兵二百餘人。貴香走免。旦聞悔之曰。果如沈子所料矣。巡按御史諸演疏其事。請討之。制曰可。

皇明世宗 卷八十三
閱與經武以啓釁罷去。亡何旦亦去。侍郎蔡經代之。十七年正月。經集諸司議。發兵曰。諸君度滅賊須兵幾何。副總兵張經曰。不過萬人。蔡經曰。太少。沈希儀曰。非八萬人不可。蔡經曰。太多。副使翁萬達曰。二君言各有據。襲而取之曰。勦。聲罪討之曰。征。繇張君言。勦也。繇沈君言。征也。然今賊爲備久矣。勦之無功。從沈君言。便會朝議。欲征安南事。遂已。公丁等益橫。時出殺掠。潯人苦之。萬達言之。經御史鄒堯臣亦贊之。經乃會安達侯柳珣決計。發兵以兵事屬萬達。萬達廉得百戶許雄。素通賊狀。

劫之曰。能擒公丁。貸汝死。不卽論如法。雄懼。請効力自贖。萬達佯庇公丁。謂讐家誣之耳。乃捕係許訟公丁者數人。責其起釁。公丁果遣人自列。萬達亦佯許之。又令雄假稱貸爲賄。公丁喜益信雄。會萬達巡他郡。以事屬叅議田汝成。汝成召雄申飭之。雄乃詒公丁曰。潯人久以爾爲口實。幸上之人不信。今分守公新到。何不自訴。寇堡事。繇他。猥。庶相信也。公丁然之。隨雄來見汝成。復列寃狀。汝成曰。聞讐家誣汝。已逮治之矣。慰遣之。乃密授意城中居民被賊害者家。出歐公丁。一市皆譁。游徼并

皇明世法錄 卷八十三
逮入係獄。遣雄諭其黨曰。寇憊。爭公丁委罪諸猥。須鞫實坐之。若等誠謂公丁寃。須罪人得釋之。萬一事自公丁。當共棄之。勿以一公丁自取滅亡也。諸猥遂言事果自公丁。聽論之。不敢黨。乃檻致公丁軍門磔誅之。時十七年冬也。汝成乃言之督府。謂首惡既擒。賊方震駭。宜乘此時進兵討賊。經許之。會沈希儀病。乃以副總兵張經將左軍。副使翁萬達監之。南寧指揮王良輔。朱昇。凌浦。柳浦。周維新。孫文綉屬焉。以都指揮高乾將右軍。副使梁廷振監之。賓州指揮馬文傑。王俊。戚振。吳同。章屬焉。

以副使蕭晄紀功。叅政林士元及汝成督餉。張經議欲以少兵勦之。畧示威。勿深入。又欲舍紫荆等處賊藪勿擊。翁萬達持不可。謂猝勦之。必無功。返墮損軍威。况諸猥恣肆久。不大懲之。不足懾其心。汝成亦同萬達議。督府下諸司議。諸司請如萬達言。萬達又言之督府曰。峽南亦劇賊。俾今兵力不能并及。姑緩之以候。後經然之。乃以十八年二月。兩軍齊發。左軍則王良輔。繇牛渚灣。越武靖。攻紫荆。姜老鼠。諸巢。朱昇。繇三等村。渡蓼水。攻石門。黃泥嶺。諸巢。柳浦。繇白沙灣。攻道袍。梅嶺。諸巢。凌浦。

皇明世法金 卷八十三
三
繇白沙灣。攻大昂小梅嶺諸巢。周維新繇白沙灣。攻藤冲綠水冲諸巢。孫文繡繇藤峽。夾攻大坑巢。共三萬五千人。分六道進。右軍則馬文傑。繇武宣攻碧灘綠水諸巢。王俊等繇武宣入山。攻羅淥上峒。戚振攻中峒。吳同章攻下峒。共一萬六千餘人。分四道進。南北夾擊之。賊大窘。遂擁衆奔林峒。而東。王良輔邀擊之中。斷復西奔。諸軍合擊。斬首一千二百級。賊謂往年據險結巢。故被官兵擊破。皆殲焉。至是不聚結寨。惟漫走山谷間。令官兵疲于追逐。且曠日久。多費糧餉。必速退。其東奔者。入羅

連山。萬達等移兵攻羅連。檄右軍抵長洲。沿江繞出賊背。賊于諸隘險。伏械器防禦甚多。官兵皆以計發之。追斬百餘級。賊益窘。會右軍迷失道。愆期三日。又土兵盧蘇受賊賂。歛兵縱之。湯匿諸山谷。人言羅連山。官兵古所未至者。賊遁深入。不復窮追云。會平南縣有小田羅應古陶古思諸獍。亦據險弗靖。萬達等移兵勦之。三月。班師。招賊餘黨二百餘人降之。江南胡姓諸獍歸順者。亦千餘人。藤峽諸獍復平。萬達汝成乃同獻議于督府。凡七事。一曰編保甲以處新民。二曰立營堡以通江道。三

皇明世法錄 卷八十三
日設多備以控上游。四曰改州治以建屯所。五曰清狼田以正疆界。六曰處款兵以慎邊防。七曰摧商稅以資公費。其所謂改州治以建屯所者。蓋王守仁昔平斷藤峽時。奏宥岑猛子岑邦佐罪。復爲武靖州知州。而邦佐蒞任後。殘虐部民爲甚。又令提調三縣狼民尤被其害。今邦佐夷衆多離散。請改州爲武靖千戶所。擇人任之。卽以三縣狼家之族隸焉。議上。蔡經多採納。疏請行之。捷聞。蔡經改左侍郎進秩一級。柳珣加宮保。暨諸將帥守臣皆賞賚有差。

平處州寇

處州多銀坑。民亾賴者並緣爲姦利。正統十二年春二月。慶元人葉宗留聚衆盜掘少陽坑數月。計所獲微甚。棄去。九月率衆之雲山。遍掘諸坑場。無所得。還慶元。居數日。往政和掘少亭坑。亦不給用。謂其徒曰。與其取于山勞而無獲。孰若取于人。一舉而有餘也。衆從之。時已數百人。遂掠政和縣及村落。還慶元。號召得千餘人。遣招龍泉良葛山人葉七爲教師。訓練其徒武藝。蹂浦城。劫建陽。所過焚掠。民從之者益衆。遂掠建寧。官民皆逃匿。分衆

截路于車盤嶺。鉛山惴恐。行旅斷絕。時福建邵武賊鄧茂七方猖獗。

朝廷命都御史張楷帥兵往討鄧賊。至廣信以葉寇道梗。留不敢進。福建遣使促楷師。浙江藩臬諸司請楷便宜移兵擊葉寇。江西御史韓雍等亦言葉寇近咫尺。地方危在旦夕。又爲道梗。皆國家事。豈可坐視民罹荼毒。楷不知所從。有指揮戴禮願往勦之。楷乃命率兵五百往。十三年十一月賊至黃柏舖。戴禮兵擊之。死傷相半。宗留衣緋率衆前。中流矢死。官兵不知爲宗留也。賊退奔入山。復擁葉

希八等爲渠魁。劫車盤嶺。悉衆駐十三都。欲回浦城。都督陳榮帥兵二千往。併戴禮軍至十二都。賊悉衆出戰。官兵大敗。榮禮皆死之。楷等以福建寇勢迫。取道徑往福建。討鄧寇。賊盡掠取器械。回劫浦城。焚其縣治。民居過龍泉。從者至數萬入。據雲和山中麗水楊希鮑材陶得二。各率衆數千人歸之。居數月。賊謂其黨曰。山中出掠不便。不若繇朱湖盡掠府城。乃結寨駐鮑村。取貨于義烏。掠人于松陽。官軍雖衆。不能越馮公嶺而相迫矣。衆從之。遂掠府城。守臣遣使從溫台告急于省。御史命都

指揮沈鱗。叅議耿定。僉事王晟帥兵四千。以十四年三月至處州。嬰城自守。月餘賊縱掠益甚。諸守臣復遣使詣省告急。御史盛琦黃英先後以聞。朝廷命總兵官徐恭帥兵二千。馳至處州。亦城守不敢出。復遣使往福建告急于張楷。時有制下張楷令福建賊稍平。以餘黨付金濂。楷還師討處寇。楷未至處。城中乏糧餉。諸將日對泣。五月賊攻城急。徐恭等出禦之。沈鱗耿定王晟等皆敗死。徐恭僅以身免。入城固守不敢出。亾何張楷入浙至衢州。僉事陶成往迎之。泣陳其事。楷分兵水陸兼進。至

蘭溪。御史黃英林廷舉來會。請速進兵。至金華府。令軍中製竹笆三百五十面。笆如牌製。糊以紙。畫獸形。可禦賊鎗。乃兼程進至處州界。知府陸鐘等來迎。至銅山寺駐師。賊遣人求撫。實覘之耳。遂給榜示付之去。時官兵陣于平地。賊衆萬人出山索戰。官兵分三陣。賊攻中軍。楷等令回達馬軍射之。死者三百餘人。左右合擊死者又二百人。持鎗者多爲竹笆所制。蓋鎗入竹隙。急不得出。多被擒獲。賊敗潰。是日斬首六百餘級。生擒百餘人。器仗稱是。乃以捷聞。千戶沈俊謂其部下多麗水鮑村人。

父子兄弟陷賊中者衆。有向受等三人。自言于陣前。見其親屬。今欲招撫。俊以此三人往。可得要領。楷從之。令齋榜入山。反覆譬曉。詞亦過狗。楷至以老母百口與誓。賊乃先令陶得二出見。楷優加賞賚。令歸山中。同賊首葉希八。楊希陶。秉倫并其黨十餘人來見。楷納其降。給帖令復業。始知前黃柏鋪。緋衣中流矢死者。卽葉宗留也。明日何志三等。又招得賊首余海。四陳川。十余卞等三百餘家出降。亦許令復業。六月。兩得

璽書諭楷相機撫勦之宜。楷等奏報賊前後聽招復

業者九千餘家。男婦二萬餘人。疏旣上。賊首陶得二等回山。復疑懼。擁衆如故。顧以書招楷入。楷亦復書諭之。賊在慶元大社者。又出掠麗水青田等處。未幾復得

璽書諭楷等將已降賊。令所司撫處。廣布恩信。戒官吏勿相擾激。不聽撫者。調兵勦滅。楷復遣郡邑丞倅等官。賫入山。再招之。陶得二等始聽招。盡焚其砦寨出降。餘黨因陶得二降。悉解散復業。所司隨在撫諭之。楷等乃班師。具露布以聞。楷還京。會

英宗北狩。舊經事大臣多陷沒。主者議楷無功。追論

都督陳榮等死。下指獄論罪。議上以寇平功贖罪得放歸。

[Faded bleed-through text from the reverse side of the page]

再平江西

初陳金討華林姚源諸賊。多所招撫。未大示懲艾。諸克安享富羨。不逞之徒。恒借為口實。又民間父兄被殺者。不得報其仇。時相詬訾。恐劫之。諸克亦不自安。轉徙嘯聚。不數年。仍群起為盜。又南贛之間。多山險。易為巢窟。在南安有橫水桶岡諸寨。賊首首則謝志山藍天鳳等。在贛州有泃頭等寨。賊首則池仲容等。於是江西湖廣廣東之界。方千里。遭其荼毒。民不寧居矣。朝廷始以王守仁巡撫其地。繼改提督。俾集兵討之。

天下事成
千責任之
專敗于職
守之分守
仁本折衝
之才而又
得獨任其
事此所以
得勝算而
成功也

桶岡西通湖廣。橫水左溪在其東。守仁徵湖廣兵
 夾攻桶岡賊。檄江西副使楊璋叅議黃宏知府邢
 珣等為偏裨。相與議曰。桶岡地險。賊破為難。然恃
 橫水左溪等寨為羽翼。不先破橫水左溪。勢不能
 與湖廣兵合。若進兵兩寇之間。腹背受敵。非利也。
 况賊但聞吾檄湖廣兵夾攻桶岡。橫水左溪必觀
 望未備。出其不意。可以先破橫水左溪。破此而移
 兵桶岡。破竹之勢已。乃遣都指揮僉事許清率兵
 千餘自南康縣新溪入。知府邢珣率兵千餘自上
 猶縣石人坑入。知縣王天與率兵千餘自上猶縣

如此調遣
 制寇已有
 成算矣

白面峪入。令皆會橫水。遣守備指揮郝文率兵千
 餘自大庾縣義安入。知府唐淳率兵千餘自大庾
 縣聶都入。知府季敷率兵千餘自大庾縣穩下入。
 縣丞舒富率兵千餘自上猶縣金坑入。令皆會左
 溪。知府伍文定知縣張戢各率兵從上猶南康分
 入。以遏奔軼。守仁亦親帥兵千餘自南康進搗橫
 水。與諸軍會。副使楊璋叅議黃宏監督各營往來
 給餉。分布既定。乃以正德十二年十月初七日分
 道並進。初九日守仁至南康。橫水賊謝志山等聞
 官兵至。倉卒集眾禦之。各險隘設滾木礮石。十一

皇明世宗憲皇帝 卷之三十三
日守仁進未至賊巢三十里駐兵。夜募鄉兵善登山者四百人各執一旗賫銃砲繇間道攀崖上入險分布近賊巢左右極高山頂伏覘賊令度我兵至險舉砲火應。又預遣人夜率壯士緣崖上奪險。盡先發其滾木礮石。十二日早守仁等率兵追至十八面隘賊據險迎敵。忽聞近巢諸山頂砲聲如雷。烟焰蔽天起。守仁等麾兵逼之。賊大驚潰。謂我兵已盡入破其巢穴矣。遂棄險走。官兵乘勝進。指揮謝昺率兵繇間道先入焚賊巢。賊退無所據。大敗潰。遂破長龍等五巢。及橫水大巢。賊首謝志山

遣得人
所向俱
破竹

蕭貴模等。初以橫水在衆險中。官兵必不能至。及見官兵四集。亦棄險走。各哨兵乘之。皆奮勇力戰。邢珣破磨刀坑等三巢。王天與破樟木坑等二巢。許清破雞湖等三巢。皆會橫水。唐淳破羊牯腦等三巢。又破左溪大巢。郝文破獅子等三巢。余恩破長流坑等三巢。舒富破箬坑等三巢。季敦破上西峯等三巢。俱會左溪。楊璋等亦隨至。是日擒斬俘獲甚衆。自相蹂踐。及墜崖谷死者不可勝計。遂屯兵橫水左溪。會天大霧雨。暫休兵士。十五日。諜報諸潰賊。收集于諸崖險。立寨柵。或復聚未破巢。然

戰勝而後
用撫用勦
俱無不可

皇明世宗 卷八十三
皆倉卒無糧穀。守仁乃下令各營皆分兵爲奇。正二哨一前攻一後繼。用土人爲嚮導。分捕諸未破巢。賊自十六日至二十七日。諸營各分道破二十餘巢。知府伍文定知縣張戢兵亦連破數巢。入會擒斬俘獲甚衆。是時已約湖廣兵于十一月初一日夾攻桶岡矣。守仁等集議以桶岡地尤險阨。而橫水左溪潰賊奔入。爲守益力。移兵臨之。駐重險之間。卒難取勝。所謂強弩之末不能穿魯縞也。不若乘戰勝之威遣人諭以禍福。招降之。彼聞我兵連破橫水左溪。諸賊必恐。使人請命。或有不從。必

反覆籌議。乃乘其猶豫襲之。可以得志。于是遣素通賊戴罪官民李正巖劉福泰釋其罪。并縱所獲賊鍾景于二十八日夜懸臂入賊巢。諭之期以十。一月初一日使人于鎖匙籠出告降。賊方恐。見使至皆喜。乃集衆會議。而橫水左溪奔入賊。持不可。遲疑不暇爲備。守仁遣使于鎖匙籠促降。而別遣邢珣帥兵入茶坑。伍文定帥兵入西山界。唐淳帥兵入十八磊。張戢帥兵入葫蘆洞。俱初一日冒雨入。賊首藍廷鳳方於鎖匙籠聚議。候命。忽聞諸兵已入險。皆震愕。亟奔入內隘。逼水爲陣。拒官兵。邢

皇明世宗 卷八十三
珣麾兵渡水前擊張戢衝其右伍文定又自張戢
右懸崖下逮賊傍賊敗走舒富王天與兵乃繇鎖
匙籠入賊悉衆奔十八磊唐淳兵嚴陣迎擊之賊
又敗會晚猶扼險相持明日諸軍合勢併擊賊大
敗邢珣破桶岡大巢又破梅伏鳥池巢張戢破西
山界等三巢唐淳破十八磊巢伍文定破鐵木里
等三巢王天與破員分等二巢舒富破大王嶺巢
擒斬俘獲甚衆會湖廣土兵亦至時十一月初二
日也賊率餘衆分道遁入山谷甚多守仁乃命諸
將分屯要害各舊巢又令許清奈恩留屯橫水左

溪舊巢以防復聚令各營兵與湖廣兵會勦遁賊
及未下諸巢初五日諸將又破上中下新地杉木
坳等十餘巢十六日湖廣兵攻破魚黃等巢在廣
東界內者賊敗率餘黨奔入雞湖穩下朱雀坑諸
處守仁復遣諸將分道捕之又分敗賊于雞湖諸
處先後擒斬俘獲及饑餓墜崖谷死者不可勝計
於是橫水左溪桶岡之賊畧盡大賊首謝志山藍
廷鳳蕭貴模等皆斬獲無遺十二月初九日撤兵
回贛計出師凡兩月餘前後破賊巢八十四處擒
斬賊首八十六人從賊三千餘人俘獲二千餘人

皇明世宗 卷八十三
守仁議于橫水等處。建城設縣。治控禦三省諸種捷聞。

璽書褒諭守仁。擢右副都御史。諸將各賞賚有差。先是守仁欲征橫水。桶岡。慮泃頭賊乘虛出擾。師爲所牽。蓋橫水。桶岡。賊近湖廣。郴桂。泃頭。連界閩廣。守仁乃使人諭泃頭諸賊。賞以銀布。招降之。諸賊頗順。惟賊首池仲容不從。亦遣使至守仁所。佯應以覘之。守仁計兵力未暇。及羈縻之。令勿出爲亂。有金巢等帥五百人來降。守仁釋其罪。厚撫之。令從征橫水。及官兵破橫水。池仲容懼。遣其弟池仲

安帥老弱二百餘。詣守仁求招。卽愿從征立功。意實覘虛實。欲乘間內應也。守仁厚撫之。令從別哨。以遠其歸路。陰使人分召近泃頭諸縣被賊害者。至。詢之。得其情。各授方畧。遣之歸。令密部集兵衆。候平桶岡。賊後報師期。及平桶岡。仲容益懼。守仁遣使至泃頭。賜諸賊牛酒。見賊嚴爲備。詭使者曰。龍川新民盧珂。鄭志高。欲仇殺掩襲。故備。非虞官兵也。守仁佯信其言。怒盧珂。鄭志。而移檄龍川。令廉二人擅兵狀。且令仲容除道。候事平。還兵討之。賊且信且疑。不欲假道。遣使來謝。無勞官兵。當自

皇明世宗 卷八十三
防禦之盧珂鄭志高陳英者。皆龍川已招新民。仍領舊所部三千餘衆。時諸縣民皆爲仲容所脅。三人者獨抗賊。賊讐忌之。守仁還兵。三人來告變。言池仲容反狀。時仲容弟仲安領兵在守仁所。守仁恐其疑。乃陽怒三人讐誣。收縛將斬之。云仲容方遣弟領兵報效。安得有此。仲安遂叩首訴辨。列三人罪惡。守仁陽信之。令仲安具狀訴。欲并拘其屬斬之。械繫盧珂等寘之獄。守仁密使至獄中。諭意盧珂等三人。令勿恐。且令遣使歸集衆以候。十二月二十日。守仁還至贛。張樂大亨將士。下令橫水

爲擒池仲容已費筆畫

桶岡以平。剎頭又歸順。境內無虞矣。民久勞苦。今宜休兵爲樂。遂散兵使歸農。乃遣池仲安歸。仲安報其兄以盧珂被繫故。守仁遣使賜仲容曆。令勿撤備。以防盧珂黨掩襲。仲容意乃大安。守仁別購仲容所親。說仲容令自來投訴。云官勞來意良厚。何可不親一往謝。况使盧珂等言無所入矣。仲容信之。謂其衆曰。欲伸先屈。贛州伎倆。須自往覷之。遂率其徒四十餘人。自詣贛。守仁先已檄諸郡縣。及行龍川。盧珂等勒兵候報。至是探知仲容就道。亟遣使發諸路兵。刻期會剎頭。然道經賊巢。始達

則使別賚一檄爲捕盧珂黨與者。佯示賊。賊果問見檄。遂不爲意。池仲容以閏十二月二十三日至。贛謁守仁。見軍門無用兵形。又覘知珂等械繫獄中。意益安。遣人歸報其黨。謂事無他。守仁乃夜釋珂等。使間道歸。發兵而令諸官屬以次設牛酒。日宴犒仲容等。緩其歸。至十三年正月三日。度盧珂等已至家。諸郡縣兵當大集。守仁乃設犒于庭。先伏甲士。引仲容等入。悉擒之。出珂等狀。訊之。皆伏。遂悉置獄。而趣諸路兵。以初七日同抵賊巢。于是知府陳祥兵繇和平都入。指揮姚璽兵繇烏虎鎮

入。指揮余恩千戶孟俊兵繇平地水高沙堡入。守備指揮郝文。知府邢珣季敬。推官危壽。請兵皆繇各路入。守仁帥親兵。繇龍南縣冷水逕入。直搗下泷大巢。諸路兵皆會於三泷。先是賊弛備。兵已散處。至是驟聞官兵四集。皆驚懼。乃分投出禦。而悉其精銳千餘。據險設伏於龍子嶺。迎敵。甯兵聚爲三衝。倚角進。指揮余恩首擊賊。戰良久。賊敗。王受等追之。賊伏兵四起。奮擊王受。適危壽兵至。鼓譟前衝之。千戶孟俊又帥兵遶衝賊伏。賊大潰。遂克三泷大巢。官兵乘勝進擊之。陳祥破熱水等二巢。

皇明世宗 卷之三
姚壘破淡方等三巢。邢珣破竹湖等二巢。郝文破
曲潭等二巢。李敷破古坑等二巢。擒斬俘獲甚衆。
墮崖谷死者不可勝計。餘賊奔入未破巢穴。官兵
跡賊所往。分路急擊之。自初十日後。諸將連日又
破賊二十餘巢。得其金龍霸王印。餘賊精悍者尚
八百餘人。聚九連山。山四面險絕。惟一道通賊。設
礮石滾木拒之。官兵不敢近。守仁乃令官兵衣賊
衣。抵暮詐爲賊敗奔者。山上賊見之。果招呼入。官
兵乃得入。及度險。遂扼其路。賊始知爲官兵。欲禦
之。則大衆繼入。賊不能支。乃退走潰出。官兵先於

四路設伏待之。二十二日以後。諸將兵覆賊于五
花陣。白沙銀坑水等處。追躡山谷。擒斬畧盡。餘徒
二百人。慟哭請降。守仁納之。乃親行相視諸險。隘
議立縣設隘。留兵防守。遂班師。蓋自正月移兵攻
涑頭賊。至三月乃平。前後破賊巢三十八處。擒斬
賊首六十餘人。賊徒二千餘人。俘獲招降千餘人。
捷聞。守仁以前功陞秩。仍賜
璽書褒賞。餘將士賞賚各有差

柳桂寇與
瀆水桶岡
事畧同當
時聲勢相
倚此非有
深志遠圖
特以封疆
之臣因循
息故得之
除猖獗幸
金與王守
仁同時舉
事得以草
薙而禽獮
之不然卽
蓮虛之搏
狡免恐未
能仁三窟

平柳桂寇

柳桂在湖廣東南隅。介江西南贛廣東韶州廣西
平樂間。地險惡。故多寇。官兵累勦之不能絕。正德
間。土人龔福全等倡亂。福全形貌獐惡。面多髯。體
生黑毛。嘯聚山谷中。僞稱延溪大王。其黨劉福興
李斌高仲仁黎穩藍友貴等俱僞稱總兵。分據烏
春山臘栗寨等處。正德十二年。巡撫湖廣都御史
秦金列其事以聞。時南贛都御史王守仁奏勦江
西左溪橫水桶岡諸寇。檄湖廣兵夾攻桶岡。
朝廷以江西諸賊屬守仁。以柳桂賊屬金。各督兵討

之誅也

皇明世宗金 卷八十三
之。金檄漢土兵至。以是年十一月初二日分布諸將進討。前哨守備指揮王翰統兵。副使陳壁監之。繇桂東縣進至東水。左哨都指揮王廷爵統兵。叅議黃質監之。自桂陽縣進至魚黃熱水。右哨守備指揮李璋統兵。僉事王濟監之。永順致仕宣慰彭世麒以兵隸焉。繇郴州進至紫溪。後哨都指揮劉宗仁統兵。僉事顧英監之。自臨武縣進至芭籬堡。約至信地。各剋期進勦。檄知府何詔計宗道。推官王瑞之。朱節。協贊叅將史春。副使惲巍。駐兵兩路口。策應。右布政方璘。分部。諸守臣督餉。金駐郴州。

總制史春使使來言。右後二哨地廣賊衆。請益兵。金檄都指揮沈鸞。趙明。指揮李轅。分率帳下兵往益之。是月十三日。右哨兵彭世麟等首進。前哨兵亦進。十四日後哨兵進。十五日左哨兵進。諸路夾攻。于是右哨以十一月十三十五二十等日。分四路進勦。對里平珠九峯水口。平石香山。丫髻山等巢。斬賊魁藍友貴。暨賊衆一百四十三級。生擒一十四人。二十一日。諜報賊魁李斌。立寨烏春山地。甚險。李璋等合沈鸞策應。兵緣崖上力戰。生擒李斌子李仲清。暨賊衆五人。斬李斌。暨賊衆一百三

皇明世宗 卷八十三
十五級。二十四至二十六等日。進勦蒙峒大小王
山。平尾馬溪。了秀溪斜寮布洛角魯莊山坑坎峒
曹家峒等巢。彭世麒生擒賊魁黎穩。暨諸將兵擒
賊衆一十五人。斬賊衆一百七十級。十二月十五
十七至二十六等日。進勦大昌坑山溪西坑大旺
山黃土塘烏泥塘金雞寨棗子園等巢。生擒賊衆
十二人。斬賊衆二百二十級。計右哨諸將兵前後
破賊巢二十七處。擒斬賊魁三人。賊衆四百八十
三人。俘獲老弱牛馬器仗若干。焚賊廬舍二百四
十餘間。士卒死者九人。傷者二十五人。左哨以十

一月十五十六十七等日。進勦篔衣秀才鄧家魚
黃朱廣老虎東嶺等巢。生擒賊衆十七人。斬賊衆
一百六十九級。十八日。諜報賊魁劉福興在臘栗
寨。乘輜張黃蓋樹幟練兵。是日攻寨破之。生擒劉
福興暨賊衆六人。斬賊衆六十三級。二十九日至
十二月初一日至初十等日。進勦延壽扶溪麻溪
等巢。生擒賊衆二十二。人。斬賊衆八十八級。十二
至二十三等日。進勦平竹水東嶺九龍江大王山
長羅口等巢。生擒賊魁楊禮保暨賊衆十五人。斬
賊衆三十六級。計左哨諸將兵。前後破賊巢一十


七處擒賊魁二人。擒斬賊衆三百六十五人。俘獲老弱牛馬器仗若干。焚賊廬舍二百三十餘間。士卒死者四人。傷者三十一人。後哨以十一月十四十五至二十九等日。進勦牛頭天堂南延莊大島魚跳企山等巢。生擒賊魁李仁才龐海暨賊衆二十五人。斬賊衆一百五十級。十二月初二至十四等日。進勦曹雄坑扶峒良坑雞公觜神鑑脚長灘橫水橫溪板前黃河冲乾溪等巢。生擒賊衆十一人。斬賊衆一百六十三級。十五至二十及閏月初七等日。進勦盧田柏木白水磔爛竹灣長江嶺崿

家峒等巢。斬賊衆一百八十九級。計後哨諸將兵前後破賊巢二十二處。擒賊魁二人。擒斬賊衆五百三十八人。俘獲老弱牛馬器仗若干。焚賊廬舍二百四十餘間。士卒死者五人。傷者二十二。人。前哨以十一月十三十四等日。進勦十八壘石笋峽新地扶峒山下樟溪青峒等巢。生擒賊魁劉德才暨賊衆四十四人。斬賊衆一十四級。二十九日至十二月初一至初十等日。進勦上黃城背豬婆老虎延壽白雲等巢。生擒賊衆四十二人。斬賊衆二十八級。二十日至二十六等日。進勦東寮東坑黃

皇明世宗金 卷八十三
圍等巢。生擒賊魁梁景聰。暨賊衆九十三人。斬賊衆七十七級。計前哨諸將兵。前後破賊巢一十六處。擒賊魁二人。擒斬賊衆二百二十一人。俘獲老弱牛馬器仗若干。焚賊廬舍一百二十餘間。士卒死者四人。傷者七人。各哨俱獻捷軍門。惟首惡龔福全據險未獲。金賞賚諸將士。乃重購能生擒福全者。賞五百金。斬首二百金。仍趣諸將暨宣慰彭世麒等會兵進勦。十二月二十七日。右哨諸將謀知福全率賊衆遁過走馬山禾倉石據險立寨。以三十日率兵抵寨下。轉戰數合。賊敗走。彭世麒偕

其弟彭世驗擒獲龔福全將士擒福全姪秀。暨賊衆二十三人。斬賊衆九十八級。俘獲福全妻女暨諸賊屬。焚毀賊廬舍六十餘間。賊魁高仲仁走廣東仁化縣。爲官兵所獲。餘賊散匿山谷者。諸營兵會廣東兵搜捕之。擒斬散逸畧盡。金乃大犒將士。撫恤陣亡。及被傷者。班師使使報捷。

上優詔荅之。金與紀功御史王度俱增秩一級。鎮守太監杜甫亦加秩。金甫蔭子姪一人。世襲錦衣百戶。諸將士各陞賚有差。龔福全等卽其地磔誅之。榔桂平。



皇明世法錄卷之八十三 終

Faint vertical text columns, likely bleed-through from the reverse side of the page.

